

摘藻堂四庫全書薈要

集部

欽定四庫全書薈要

集部

元詩選初集卷四十

詳校官候選知縣臣吳甸華



欽定四庫全書薈要卷二萬四百集部

元詩選初集卷四十

長洲

顧嗣立

編

貢師泰玩齋集



師泰字泰甫仲章之子也以國子生中江浙鄉試
釋褐太和州判官薦應奉翰林文字出為紹興路
推官稱治行第一復入翰林遷宣文閣授經郎累
拜監察御史至正十四年擢吏部侍郎時江淮兵
起奉命和糴於浙西改兵部侍郎除浙西都水庸

田使尋拜禮部尚書調平江路總管張士誠據吳
避之海上江浙行省丞相達實特穆爾承制授行
省參知政事二十年朝命改戶部尚書俾以閩鹽
易糧由海道轉運京師二十二年召為祕書卿行
至海寧卒年六十五泰甫狀貌偉然既以文字知
名而於政事尤長所至績效暴著詩文甚多有友
迂玩齋集莫東軒閩南諸藁門人劉中朱鎡輩類
為一編總題曰玩齋集會稽楊廉夫序之曰本朝

古文殊遜前代而詩則過之郝元初變未拔於宋
范楊再變未幾於唐至延祐泰定之際虞揭馬宋
諸公者作然後極其所摯下顧大厯與元祐上踰
六朝而薄風雅吁亦盛矣繼馬宋而起者世惟稱
陳李二張而宛陵貢公則又馳騁虞揭馬宋諸公
之間未知孰軒而孰輕也蓋仲章雍容館閣翱翔
於延祐諸公之間而泰甫當師旅倥傯獨擅文名
於元統至元之後有元之文其季彌盛於宛陵父

子間見之矣

古意二首

功名果何為輕重天下士得之入雲霄不得墮泥滓朝
列三公行莫與匹夫比榮辱既由人富貴非在已胡為
竟迷途白首憂不止縱有蓋世勲僅遺一紙史往者尚
如斯後來亦徒爾乃知巢許流高蹈良有以

黃金本何物舉世相紛爭賤者可以貴死者可以生既
解平城圍亦散六國衡神用信莫測萬寶孰敢嬰亦有

高世士唾視瓦礫輕寧為凍餓殍不受污辱名斯人儻
可見吾將與同盟嗟哉首陽薇千載有餘清

擬古二首

東南有佳人遠在水一方綺疏粲飛樓曲闌圍洞房意
態閒且靚氣若蘭蕙芳纖阿揚姣服雜佩懸明璫流風
迴皓雪明月舒其光白面誰家子錦鞍青絲韁翩然一
見之下馬立中堂可望不可即五采盛文章

嶰溪有美竹挺挺霜雪中何人斷兩節製為十二簫宮

商自相應鳳鳥鳴雌雄一鳴垂衣裳再鳴致時雍從此
去不返治道竟少隆鄙哉叔孫氏綿絕變王風寥寥數
千載伊誰啓冥矇后皇如有作聲教垂無窮

遣懷

日入柳風息月上花露多東軒頗幽敞夜靜時一過鳥
散庭中樹蟲鳴堦下莎北斗何低昂疎星沒橫河獨賞
誰晤語感慨成悲歌懷哉巖桂臺邈在姑山阿

感興三首

芙蓉生綠水，綠花更好採。
花當及時莫待，顏色老美人久不見華髮。
忽已皓，因之遺芳馨，聊以慰懷抱。
失意且勿嗟，令名當共保。

悲風從西來，海樹何蕭瑟。
薄寒中人肌，毛髮為慘慄。
疏林動鳩鵲，壞壁鳴蟋蟀。
出門忽四顧，愴恍若有失。
仰面對青天，青天行白日。

客有雙寶劍，紫氣射牛斗。
年少乍得之，日夜不去手。
豈知靈異物，佩服終難久。
一朝騰波去，化作蒼龍吼。
何時

復歸來為國殄羣醜

赴京別親友

崇堤衛芳塘塘上種楊柳楊柳年年青
慈親未白首送我
我不忍別出門復攜手親友陟高岡
立馬望良久離懷
急欲醉盡此樽中酒

姑孰道中

朝發慈姥山莫宿吳公橋日入氣猶溽
清懷厭煩囂隔江風雨至綠樹涼蕭蕭
鄰舟頗相好有酒忽見招明發

波浪濶相望一何遙

湖上納涼有懷吳子彥

天風吹海樹瑟瑟秋氣涼河漢西北流衆星耿微光昔
我同袍友遠在水一方相思不得見展轉清夜長遙聞
鳴笳發攬衣月蒼蒼

題王維輞川圖

開圖縱竒觀江山鬱相繆兩垞矗峩峩重湖渺漭漭
宇抗䟽嶺危亭俯圓流春塢辛夷發夏陌高槐稠竹館

翠陰晚萸泝紅實秋遠墅漆未割近園椒欲收驚鳥避
溪泉野鹿逐巖幽日莫川上歸涼飈蕩孤舟靄靄雲氣
合漠漠煙光浮顧思天寶初綱紀壞不修霓裳按妖拍
鞀鼓起奸謀豈無匡濟術乃為閒曠畱菱歌自來往葩
辭更倡酬遂令摹寫間意度猶可求乾坤多變態江海
生暮愁白鷗飛不去千載空悠悠

河決

去年黃河決高陸為平川今年黃河決長堤沒深淵濁

浪近翻雪洪濤遠春天滔滔渾疆界浩浩襄市廛初疑
滄海變久若銀漢連怒聲恣砰磕悍氣仍回旋毒霧飽
魚腹腥風噴龍涎鼉鼉出滾滾鴈見下翩翩人哭菰蒲
裏舟行桑柘顛豈惟屋廬毀所傷墳墓穿丁男望北走
老稚向南遷縣官出巡防小吏爭弄權社長夜打門里
正朝率錢鳩工具畚鍤排戶加笞鞭分程杵登登會聚
鼓聞聞雖云免覆溺誰復解倒懸瀰漫勢稍降膏血日
已涸流離望安集荒原走疲瘠孤還尚零丁旅至纔屬

聯園池非故態鄰里多可憐貧家租舊地富室買新田
顏垣吠黃犬破屋鳴烏犍秋耕且未得夏麥何由全窗
泥冷窺風竈土溼生煙頃筐摘餘穗小艇收枯蓮賣嫌
雞鴨瘦食厭魚蝦鮮榆膏綠皮滑萼莖紫芽圓乍見情
多感久任心少便金堤塞已潰淇園竹為犍玉璧沈白
馬冠蓋相後先舜禹事䟽鑿漢唐勞委填瓠子空作歌
寶鼎徒紀年昨聞山東飢斗米直十千即今江南旱骨
肉皆棄捐倉廩豈不實賑貸猶速邇恐是廊廟遠不聞

道路傳恐是天聽高致使雨露偏小臣思覆載百念倍
憂煎躊躇慘莫發憤結何由宣作詩備采擇孰敢希陶
甄平成諒有在更獻河清篇

採菱女

落日照淮甸中流蕩回光窈窕誰家女採菱在橫塘風
吹荷葉低忽見紅粉粧紅粧背人去驚起雙鴛鴦鴛鴦
去復來煙水空茫茫

題張子英閒止齋

薄宦非夙志，况復多艱難。力辭乃得去，羈紲庶少寬。就
屋西溪上，聊以挂余冠。住久鄰里狎，盃酒亦盡歡。開軒
望遠岫，時見孤雲還。人生徒擾擾，意適心自安。君亦何
為者，而能蚤休官。

彈琴

明月照中堂，光彩爛華席。美人援素琴，聊以永終夕。商
聲起天末，四坐慘無色。羈雌動疎林，候蟲在空壁。攜來
京國彈，一彈三太息。豈傷時序遷，知音難再得。

遊西山次周伯溫韻

嚴鐘啓城鑰百辟聯佩紳斜漢在昂畢搖光正當寅華
車出廣陌光彩生熙春陰崖凍猶結陽谷景已新雲林
白洶湧石磴青嶙峋先皇昔遊幸顧瞻愴茲辰恍若鐵
馬起空畱玉衣陳鼎湖去雖遠元化同其神憑危俯高
樹歷覽窮荒榛梵宇抗䟽嶺飛閣騰遐津虛庭潛飈起
白日無纖塵長楊十二衢甲第連居民清時治茲久天
地涵深仁矧茲風氣完且復俗習淳耦耕雜畎畝獨釣

當漪淪高仙去窈邈瑞氣留氤氲於焉契嘉晤頓覺煩
抱伸蹇予敬亭下清池翳修筠時時一瓢酒獨酌不計
巡對此重歸思江海愁畸人

題滕王閣圖

雄城控華甸傑閣臨芳洲飛甍起千仞曲闌圍四周丹
碧何輝煌文采射斗牛帝子去不返頽仰經幾秋江黑
簾雨捲山青棟雲收孤舟天際來揚帆在中流狂飈薄
莫起坐覺增煩憂何當掃重翳白日耀神州開圖發長

嘆天地一浮漚

涇縣石壁道中

萬山從西來中斷忽如劈攢峯阻重關兩崖立堅壁絕
壑噴飛流觸石勢逾激神龍宅其下白晝飛霹靂涉險
恐羸驂凌高快健翮須臾得仙館頗覺契幽寂入竹敞
涼軒掃花吹鐵笛坐久竟忘疲塵襟忽如滌翻思崎嶇
間使我心戚戚

過仙霞嶺

連山界甌閩茲嶺亦峻極傑觀奠方陞高標麗園則淋

漓割元氣黯澹帶古色綿亘姑蔑墟蒼翠欲四塞仙霞

高燭天五采絢赫艷萬仞聳崢嶸百里見孤特稜角露

毫芒縷脉界縫絨我行任綱紀逾月來自北道途多艱

虞況乃事登陟初緣複磴危漸轉重關側攢峯與壘巘

盡日走崩劣連岡躡衙衙絕壑瞰冒冒遠岫忽已遠近

隴復相逼躋攀苦分寸跬步輒止疑若然造曾顛軒豁

始有得或列若屏幃或限若戶闕或偃若覆釜或俯若

鼎鉞或恭若執圭或竦若憑軾或尊若受朝或卑若就
職或若孤鶴駕或若萬馬勒或若華蓋張或若芙蓉植
或淨若新沐或靚若初飾或爭先若馳或嚴整若飭或
若進而拱或若退而効或偃若將趨或顛若將踣或堅
若長城或錯若列國或聯若串珠或牽若微纆或搏若
熊羆或射若虺蜮或晃若華旒或屨若赤纁或顒顒若
昂或踴踴若抑或軒軒若舉或悄悄若默或欣欣若喜
或慊慊若戚或駉若燮愚或穎若岐嶷或窮若龜曝或

直若隼革或差若頡頏或比若稻稂或倚若弓劍或羅
若罟罟或銳若戈矛或卓若檠杙或渥焉若丹或黝焉
若墨或離焉若愁或俛焉若蠹或儼焉若思或慘焉若
憶或豁砢若噬或鑱削若剋崎嶇歷萬狀意態轉惶惑
矯首勞脰舉膝撐脅臆僕夫盡劬瘁負擔屢蒲伏健
駭猱猱勢快羨飛鳥翼長風度林薄草樹紛偃仄雲歸
窺竇昏潤滴嵌巖泐洎流乍逶迤懸溜竟湑沔豫章間
梗楠榛莽翳柞械野草結山果瑣碎多不識爛熳錦機

翻離披翠羽織竹籟笙鳳鳴藤雨淵珠滴濃淡各異態
不豐亦不嗇根露獸闕歌株朽人立直幽谷嗥怪禽坳
塘落鷗鷺古柴蔓草荒廢井苔蘚蝕茅屋列二三亂石
羅萬億水耕雜秔稌火種饒黍稷寒泉漫蹲鴟飢食同
稼穡憑高謾徘徊得廕暫休息掬水滌煩襟坐愛清湜
湜仰看高空青俯視深潭黑其上浩無際其下深莫測
豈惟龍蛇都實乃虎豹域前瞻已出險後顧猶未即我
行既已遠我志敢不力倉皇問前途日挂半岩是峻坂

注迢迢憂心動惻惻自從黃巢亂近復多盜賊敗屋雖
僅存居者間逃匿窗牖旋遮護几案忙拂拭頽然就牀
枕強起具蔬食新醅薦茅柴晚飯飮蘆菹豈不念馳驅
王事亦孔棘江東戰未已閩南病尤亟所當效微忠孰
敢怠晷刻吾道豈無補憲度亦有式民風轉移間要在
盡悃幅豈徒慰凋疲庶將別淑慝追踪古聞人上以報
皇德

天台林氏山齋瀑布泉

飛龍上青天忽聽山石裂怒驅萬壑雷散作半空雪脫
巾弄潺湲展席映澄澈毛髮為森立盡洗人間熱浩歌
下山去日莫風烈烈

送劉子還江右

晨飈起庭柯落葉當階積流光倏云變感此送行客遠
行歸無期況與親友隔潛魚無縱鱗倦鳥思斂翼物理
且如此人事徒役役徘徊激中腸衣上霜露白

秋夜和韓與玉

齋居在城西庭戶頗幽敞涼風起高樹落葉時時響境
靜人少來理悟心自賞方忻結同盟慎勿成獨往

蘭皋雅集

弭節蘭江渚散策嘉樹林良儔亦以集式慰離索心列
坐引疏酌斲歡契沖襟風清暑氣薄日落潭水深高陰
多鳴蜩時時曳餘音豈無繾綣意淹畱畏官箴煙塵庶
可息吾將遂投簪

題伊尹耕莘圖

碧海書沸白日淪禹鼎欲徙湯網仁長繩短筭行蹙躐
驅牛獨耕莘野雪有時仰面一長吁青天漫漫風烈烈
身居畎畝堯舜心忍看民生墮昏沈乾坤闔闢係出處
幡然起作商家霖先農有詩亦有譜後世南陽詠梁父

段節婦吟

河可塞山可移志不可奪義不可虧妾為段家婦年紀
方及笄上堂奉翁姑入室攜兩兒兒死夫亦死此生將
何為昔如雙鴛鴦今日為孤雌昔如三春花今日成枯

枝寒風吹短髮明月照空帷百年在世能幾時父兮母
兮不我知青天在上將誰欺

金谿縣葛烈女廟

金谿廟前草離離金谿廟中兩女兒青山猶似舊時色
流水不盡行人悲翠翹珠珥垂孔雀廟門深鎖藤華落
靈風蕭颯半空來髣髴音容啓珠箔憶昔里中初賦銀
銀賦日急家日貧父身撈掠痛欲絕女心憤結何由伸
鬼狐夜號天漆黑大冶騰騰火光烈可憐踴躍雙蛾眉

變作兼金白如雪君不見緹縈上書更肉刑木蘭遠赴
可汗兵固知才略過男子不如孝女英烈能捐生又不
見湘妃江邊淚斑竹韓憑冢上連理木固知精誠可相
召不如孝女感化獨神速赤龍並駕參嬋娟萬古日月
懸中天人生雖死名不死吁嗟丈夫應愧爾

送國字張教授

九鳥彈羽鰲斷足六龍飛光晝相逐何人造書泄機巧
夜夜天陰聞鬼哭岐山鳳遠科斗空弋鳥爰蟲漸湮伏

太史方垂鼎足金丞相已變釵頭玉下邳拘囚死復生
三千晚奏雲陽獄自從毛錐擅楷法今古紛紛踵遺躅
天生真人起北方更遣浮圖出身毒六書垂世盡諧聲
八體彌文貴句曲黃鍾大呂徒協和鐵畫銀鈎謾摹錄
大音直與造化同陰翕陽舒驗䟽數先生典教元非輕
直使昌言被殊俗歸來繫馬在堂階莫厭微官就羈束
人生得志亦有時萬里晴天竚黃鵠

黃河行

黃河水水濶無邊深無底其來不知幾萬里或云崑崙
之山出西紀元氣融結自茲始地維崩今天柱折於是
橫奔逆激日夜流不已九功歌成四載止黃熊化作蒼
龍尾雙谷鑿斷海門開兩鄂嶄嶄尚中峙盤渦盪激回
湍衝射懸崖飛沙斷岸決石瞬息而爭靡洪濤巨浪相
喧唳怒聲不住從天來初如兩軍戰方合飛礮忽下堅
壁摧又如豐隆起行雨鞭笞鐵騎驅奔雷半空澎湃落
銀屋勢連渤海吞淮瀆天吳九首兮魑魍獨足潛潭雨

過老蛟吟明月夜照鮫人哭扁舟側挂帆一幅滿耳蕭
蕭鳥飛速徐邳千里半日程轉盼青山小如粟吁嗟雄
哉其水一石其泥數斗滔滔汨汨兮同宇宙之悠久汎
中流以擊楫兮招羣仙而揮手好風兮東來酹河伯兮
盃酒

為郭宗道祭酒題韓滉移居圖

田夫生長田間住辛苦移家向何處老牛帶犢驢引駒
婦姑騎過前邨去牽衣裹兒囊在肩瓠壺瓦缶縣蒲韉

一童鬚鬢隨左右兩髯偃僂相後先新來茅屋徒四壁
東鄰西鄰不相識種田未了主家租又恐官司著差役
唐朝宰相韓晉公念爾流離多困窮當時落筆豈無意
正欲廊廟知民風願得轉徙安居室周公亦曾作無逸
分題得姑蘇臺送吳元振赴江浙省左丞

姑蘇城外江水綠姑蘇臺是吳王築吳王燕罷越王來
館娃夜冷宮門開落花飛去春無迹江邊却起姑蘇驛
馬頭旌節何皇皇候吏傳呼謁道傍孤山梅白堤柳黃

相君入坐中書堂

題山水圖

前山後山雲亂起
山脚入溪清見底
溪南更有山外山
散如浮塵聚如米
老楓枯櫟葉紛紛
下有人家深閉門
釣絲欲收風浪急
却回雙艇來籬根
老翁曳杖行僂僂
一童負樵一童斧
筆端意度盡神妙
卷裏衣冠自淳古
商周寂寞經幾秦
後來莘渭寧無人
茫茫耕釣去不已
武陵竟隔桃花春

題江陰丘文中山水圖

老龍渴飲池中墨飛上半天成削劣雲煙著地凝不開
白晝神驅太陰黑筆端巧奪造化功咫尺峯巒千萬重
長林似洒楓葉雨虛亭不動松花風隔江更有山無數
江上扁舟纔半渡他年白髮許重來為君別寫容城賦

書河上成安驛

扁舟落日成安驛驛前危檣密如簣岸高浪急不得前
爭先進寸復退尺須臾纔定心稍安獨據胡床坐深夕

水邊燈影正晶熒陌上鈴聲還絡繹纔聽打鼓按官船
又見驅車送行客攬衣近前試問誰往來一日多數百
中原征需苦繁劇江南轉輸嚴督責況今使者類狼貪
水陸鮮肥隨口索致令編戶疲差役生計蕭條徒四壁
已將弱女納官錢更遣中男補丁額曩時河上幾人家
今日飄零竟無迹請君置此勿復言言罷空令愁思積
幾點殘星散空碧船頭別我東窗白

次赤城驛

老夫辭家今一月馬上行行過冬節山空野曠風栗烈
木皮三尺吹欲裂貂帽狐裘冷如鐵癡雲作雪還未雪
自是天公念駕劣上高下高隨小驥攬轡哦詩亦清絕
人生何苦事羈紲候吏來迎稍羅列入門登堂火微爇
須臾凍解通身熱

楊白花

楊白花無定止昨日宮中飛今朝渡江水江水茫茫千
萬里綿輕雪薄春旖旎把臂踏歌歌未已石頭城邊風

亂起楊白花無定止

學圃吟

江邊乞地學種蔬周遭步量弓百餘十日去耕十日鋤
耕鋤未畢僕已痛東家倩人不受呼西家倩人納官租
菜苗蟲食且半枯昨朝許有今朝無出門抱甕空躊躇
南鄰老圃笑我迂共倚大樹立須臾手把一卷神農書
口稱此事焉可誣治土貴熟壅貴腴三犂兩耜工力俱
燥溼得所避亢於田不犂确堅已摘深畦淺壟畫成區

四分井字旁通渠瀏瀏野水翻渴烏然後種藝皆榮敷
寒暑按節順勿踰風和日媚雨露濡水松山芥菠陵菜
韭黃薤白蔥葑蘇綠葵青藿華靚妹藻荇芹茆蘋繁蕪
爪徙菱藕苔筍蒲蔓菁蘆葍連根株牡丹芍藥萼重趺
茄房豆莢懸瓠壺紫薑紅蓼鬱雕胡玉延蹲鴟巧相扶
皮毛脫迸明月珠長頸短脰膩理膚冰漿雪液如凝酥
翠鱗銀甲虬髯鬚魁首肥顏施丹朱琅玕琥珀鈎珊瑚
鑱劖摘掇視密疎多盈筐箱少盈裾削剥淹漬役膳奴

甘膳鱸微薌味殊主真翼翼賓于子熟可羹毛生可咀
適口絕勝羞仙厨子欲學圃不蚤圖只今後時將何如
列鼎肉食稱鄙夫魚膾日厭葷與魚請子置之勿次且
褰衣博帶歸爾儒吾計子食當晨晡家園自足供所需
予嗤翁言亦何愚翁實勤苦少暇娛白鬚黑面形瘠癯
曠即胼胝汗輓轡滂即腰脰沒垢汙矧茲惡官與苦荼
加以臭蒜雜穢妄邪蒿濁覓兼滑榆多食嘔泄神志瘡
得失往往如瑕瑜西伯愛歌垂聖謨大官專膳國以墟

曾哲嗜棗宣尼徒亦有請學譏樊須孤竹採薇終餓殂
屈到好芟竟離居元亮隱菊多令譽諸葛元修名豈虛
陶家蘊甕庾家蕖黃金不聘蘇東湖是非榮辱理不渝
世間萬物皆乘除翁言固辨亦過諛鄰家有酒且共沽
醉酣仰面一長吁忽見黃鵠翔天衢

秦郵露筋廟

飛蚊撒天連白草落日荒原泣姑嫂嫂留旁舍姑獨行
花顏夜委長淮道亂聲鼓翅腹正飢利觜嚼膚血方飽

妄行豈不念辛苦死重如山生似羽欲識當年一寸心
廟前老樹啼春雨

吳中曲送楊伯幾南遊

鯉魚風起波紋綠枯葭折蘓啼寒玉榜聲催曉渡江心
驀聽吳娃舊時曲楊郎年少輕別離三尺光世練帶垂
虎丘山頭候月出靈巖洞口看雲飛梅花雪點身上衣
慈母倚門聽馬歸

送張介臣伴讀歸省濟南

雲天迷濛日脚消雪花散亂風飄蕭重裘著體如壓鐵
呼酒不來寒正驕東風匹馬去千里仰視王屋當雲霄
到家方慰母心喜入門更聽兒啼嬌華燈夜照舞衣熱
髣髴鳴鳳和笙簫暗黃著柳垂長條虎闌春信趣還鑣
一杯遲子城南橋

友人赴陝西作縣

角聲吹起滿城雪北風蕭蕭嘶小驢銀瓶細溜蒲萄熟
三疊歌殘人欲別長安西去山嵯峨野曠春濃詩思多

縣深花拂琴絲和小吏呼籌衙又過莫忘都門送時節
楊柳枝寒不堪折

輓陳堯

草廬吳先生門人也
有俊才卒年十八其妻亦痛哭而絕

乘舟沃酒魚口熱小袖菜衣雙鳳結春歸白玉不禁寒
雪兔西沈半山闕望夫化去孤石裂苑與韓憑誓同穴
鬼狐寒食上新丘陰風自掃梨花雪

鐵崖曰玩齋為予通家每令評其所著如東南有佳
人解谷有美竹深得比興日入柳風息芙蓉生綠水
遠詣選體厚倫理如風樹春暉樹風操如葛烈女段
節婦李貞母陳堯妻感古如蒼梧滕閣紀變如河決

蘇臺論人物如耕莘蹈海遊方之外如子虛道人楊
白花吳中曲有古樂府遺音國字黃河可補本朝闕
製其他所作固
未可一二數也

關山月送殷文學還浙西

白波洶湧風初起綠煙漸墮冰壺裏
林鳥沙鷗寒不棲
萬頃玻璃淨如水攬衣推戶仰視天
一寸鄉心幾千里
僕夫在門嚴戒程霄人呼籌催罷
更街頭蕭蕭馬初過
城中角角鷄亂鳴嗟哉我亦天涯客
握手欲別難為情
遙憐後夜相思處楓葉滄江一船住

一作輕

太平三山值風

天塹東南地長江日夜流大風吹水立驟雨挾山浮浩
蕩掀黃鵠歌傾舞白鷗莫憐舟似葉此亦壯哉遊

遊麻姑萬松菴

積雨變秋思清遊愜道心過橋分履迹問寺逐鐘音紅
墮鳥爭果綠深魚占陰何當脫塵鞅重此契幽尋

遊江陰君山

孤嶂臨滄海千山湧大江遠帆歸市獨高塔倒波雙鷗

鷺爭洲激蛟龍怒石砮壯遊心未已飛雨灑樓窗

聽雨堂為周叔量賦

聽雨高堂上君家好弟兄樹深催暮色竹密助秋聲
列坐情方適連床夢屢驚却憐江海濶鴻鴈每孤征

台州寄楊子秀

路轉千峯合溪通一帶斜飯炊黃渡雪酒染赤城霞
未訪仙人宅先尋博士家近聞歸隱處盡種碧桃花

興化渚州島祠天妃還

夜宿吳山上朝行莆海東地偏元少雪天濶自多風不
見波濤險寧知造化功百年神女廟長護海霞紅

送李盤野

秋水芙蓉岸孤帆天上歸青山四面起白鴈數行飛里
父供新釀家人斡舊衣封侯定何事且理釣魚磯

送蒙古彭教授往高州

萬里高州路憐君此日行藤陰頻駐馬榕葉亂啼鶯人
到烏蠻異官同博士清定知江海上殊俗盡諧聲

赤城

山近雲連驛沙虛雪擁村瓠壺縣穀種土銼爨柴根凍
雀來依幔晨鷄立傍門客中甘澹泊不必問盤飧

題黃觀瀾卷

碧天看不盡滄海去無邊氣涌風雷動光涵日月縣奇
文方浩瀚餘景尚漪連好種珊瑚樹他年繫釣船

春晚書懷二首

東吳喪亂後消息竟何如日望平安信空傳報捷書壯

心徒感激老淚獨歛歛坐對垂楊晚行人江上踈
江黑雨將至水高潮正來花隨兩岸別鷗逐片帆開世
治逢多難吾生愧不才飄零添白髮見者莫驚猜

寄靜菴上人

細雨桐花晚微風麥氣秋王符偏好學宋玉不勝愁世
事同蕉鹿人心類棘猴何時虎溪上還共遠師遊

憶姪景

自汝南臺去棲遲兩見春鼓鼙江上月烽火海邊塵衰

病全非昔傳聞總不真近知更大將旗幟一時新

和馬仲臯立秋韻

酒盡青山莫書從白鴈過長風斷疎雨闕月挂明河故
國逢人少新秋到客多不知滄海上何日罷干戈

題朱質夫東野草堂

幽人海昌住草屋向村墟撥竹頻呼鶴分泉謾種魚
花春巷冷榆葉夜窗虛細雨篝燈火匡牀正讀書

洪棧驛

萬壑從東下羣峯向北圍牛車經水去驢馱負薪歸隙
日斜窺戶尖風直透衣羈懷正無賴一鶚向南飛

和石田馬學士殿試後韻

并序

丁卯歲學士與先君同為讀卷官在院倡和甚多
此則放榜後所作韻也

春風馳道入宮牆青瑣深沈引夕郎草染綠波生太液
花扶紅日上披香聲名已重千金璧恩寵方隆七寶牀
治世斯文今極盛九天星斗自成章

送陳太祝使江浙收禮器樂書二首

天子齊明奉宗廟容臺祇飭備儀章雲雷出地雕彝鼎
日月懸天畫衮裳驛騎晝停山木陰船窗風度水花涼
過家莫醉紅樓月上國迴鸞欲褫嘗

六月樓船泛御河太平樂譜自編摩鳳鳴嶰谷曾吹律
馬出蒲梢更作歌古尺要將諸部定新聲還用四清和
器成蚤入神庭奏人頌明時瑞應多

崇真宮醮罷勅畫吳宗師像

海日曛曛照九衢
霓旌霞旆擁高居
尚方勅畫仙官像
中使傳宣學士書
劍氣朝寒垂白練
丹光夜暖出紅蕖
石壇醮罷清如水
猶聽松陰起步虛

畫馬

漢家旌節渡流沙
奪得戎王鐵喙騶
天上白魚秋弄影
月中元兔夜生花
九圖妙入將軍筆
八駿神空阿母家
獨控奚官更超絕
長楸錦隊謾如霞

送黎兵胡萬戶南還

將軍仗策去安邊
詔下東南萬里天
雲海旌麾趨玉帳
春江鼓角載樓船
黎人滿溜檳榔水
蜚戶齊分牡蠣田
遙想軍中無一事
坐驅千騎獵平川

送陶翁歸豫章

秋雨初晴襪履香
蟹紅魚白憶江鄉
十年客枕鷄聲月
千里歸帆鴈背霜
入室親朋羅酒饌
上堂兒女挽衣裳
逢人莫說京華事
漢署今無白髮郎

送壽弘毅應奉赴興國路經歷

院門深鎖落松花東接蓬萊小海斜絳蠟夜深催視草
紫泥春蚤聽宣麻鳳凰池上人辭直鴻鴈江南客過家
幙府秋來清似水吟詩應對白鷗沙

天壽節日大明宮朝罷口占簡張約中博士

金門珠箔轉迴廊文武分班有舊章花露重沾腰珮溼
松風輕度鬢絲涼仗隨騏驎通朝貢盃進夔龍祝壽康
最喜太常張博士清標如雪照鴈行

送林希元應奉赴上虞縣尹

居庸雪消河水深南行賴有買舟金相如多病因能賦
東野長貧為苦吟已許姓名辭鳳闕更傳聲價到雞林
白頭作縣臨東海誰識先生去住心

送余廷季赴海東僉憲

綠髮相從白髮生都門握手倍多情論交豈少新朋友
對酒何如老弟兄玉節繡衣江上騎苑花宮柳日邊鶯
使星一夜移東海定遣文章到兩京

送蘇伯修侍郎赴淮東廉使

黃金臺上受新恩
還向長楊謁至尊
行殿曉寒頒玉節
驛亭春暖簇朱幡
青蒲葉短煙波濶
黃柳枝長雪水渾
別後新詩好相寄
廣陵冠蓋接都門

題四川張萬戶夫人貞節卷

白帝樓前巷陌深
將軍旌旆正沈沈
玉簫聲斷孤鸞曲
綠綺絃空別鶴吟
豈是人生輕一羽
要知身死重千金
春風冢上連枝樹
只有韓憑會此心

贈仙居散人

青山四面玉嵯峨中有山人隱薜蘿
細雨閒門芳草滿微風深澗落花多
童窺丹竈時驚鶴客寫黃庭欲換鵝
我亦平生愛疏散春來應許謝朝珂

送東流葉縣尹

江流東下縣南遷一簇人煙野岸邊
荻筍洲青鷗鳥狎楊花浪白鱗魚鮮
印來聚吏排衙鼓社到隨民出俸錢
應是繡衣行部處攔街齊頌長官賢

廣微天師祈雪有應詩以美之

九枝鐙照碧壇空
龍虎旗高滿殿風
綠簡夜深朝玉陛
素幢春淺拂珠宮
一天凍色星河合
萬里冰華陸海同
明日內家應錫宴
綵符爭取綴釵蟲

送連子奇歸隱贛州

薊門風冷白鵝來
萬里孤舟一日開
去路定過彭澤縣
到家重上鬱孤臺
煮茶林下收黃葉
理釣磯邊掃綠苔
太史明朝占處士
少微依舊傍三台

上都詐馬大燕五首

紫雲扶日上璇題萬騎來朝隊仗齊織翠轡長攢孔雀
鏤金鞍重嵌文犀行迎御輦爭先避立近天墀不敢嘶
十二街頭人聚看傳言丞相過沙堤

樓閣別殿擁仙曹寶蓋沈沈御坐高丹鳳銜珠裝驪鬣
玉龍蟠甕注葡萄百年典禮威儀盛一代衣冠意氣豪
中使傳宣捲珠箔日華偏照鬱金袍

卿雲弄彩日重暉一色金沙接翠微野韭露肥黃鼠出
地椒風軟白翎飛水精殿上開珠扇雲母屏中見袞衣

走馬何人偏醉甚錦鞬賜得海青歸

簫韶九奏南風起沙燕高低撲繡簾醺醑酒多杯迭進
鷓鴣香少火重添舊分宮錦緣衣褊新賜奩珠簇帽簷
日午大官供異味金盤更換水晶鹽

清涼上國勝瑤池四海梯航燕一時豈謂朝廷誇盛大
要同民物樂雍熙當筵受几存周禮拔劍論功陋漢儀
此日從官多獻賦何人為誦武公詩

過柳河

野曠山寒露易霜
短榆疎柳路茫茫
雨來黃潦聚成海
風過白沙堆作岡
驛館到時逢數騎
馳車宿處錯羣羊
客懷政爾無聊賴
忽見南飛鴈一行

送上都吳學錄歸河東就試

驅車直渡灤河水
千里青山半月程
自信文章當世用
人言書劔到家榮
上林久已稱司馬
宣室終須召賈生
料得鳳池春色滿
柳陰立馬共聽鶯

寄王魯川推官

公庭草綠訟聲稀時見雙雙蛺蝶飛
曹史盡隨衙鼓散
理官獨抱獄書歸
曾同太守行紅旆
更與高僧別翠微
近報南臺多辟薦
殿前早晚賜朝衣

送宋仁甫赴池州陰陽教授

北風吹雪路漫漫
萬里荆門客正寒
自愛青衫同博士
也勝白髮老長安
城南款段此時別
江上芙蓉到日看
我亦春來買舟去
九華絕頂望揚瀾

贈寫神鏡塘上人歸京口

鶴翎風動碧天涼
寶月新凝百鍊霜
水面散成千種影
波心元只一輪光
玉簪道士來空室
金粟維摩現十方
此去要觀真法相
却收畫本過維揚

新蝶

杏樹生香蠹化成
向人飛下不勝情
寒辭薄翅猶粘粉
暖溢柔鬚始弄晴
燕舞盤中嫌露重
鶯歌扇底避風輕
春閨未解南華夢
乞與滕王為寫生

送明原道赴南豐判官

日華西轉萬年枝記得甘泉奏賦歸佩馬新迎州倅節
緋魚舊賜從臣衣詩成江驛梅花瘦酒醒山城蕨菜肥
為謝南豐舊詩友白鷗春夢繞苔磯

送江西傅與礪赴廣州教授

買得吳船便欲東更騎羸馬別諸公文聲久許江西盛
詩律因歸海外工人羨義陽封介子客從泰時薦揚雄
五羊城下南風起茉莉花香荔子紅

冠州

萬里關山鬢易華冠州橋下御河斜千門煙冷分榆火
三月春寒見杏花新水聚船人趁市順風吹旆客還家
莫憐書劍頻漂泊擬學東陵老種瓜

朱仲文編修還江西諸公分題賦詩為餞予適
同載南歸約至揚子橋分別因為賦此

瓜洲渡口山如浪揚子橋頭水似雲夾岸芙蓉紅旖旎
滿汀楊柳綠紛紜一杯酒向今朝別萬里船從此處分
他日重來須艤櫂莫教驚散白鷗羣

晚泊邳州

一帶黃河百折灣下邳城外更潺湲煙迷兩岸疑無地
日落中原喜有山法重鹽租嚴犯界官多魚稅倍征關
白頭父老相逢處猶似圯橋授履還

彭城懷古

戲馬臺前擁旆旌三齊纔破到彭城項王帳底猶虞舞
漢祖軍中盡楚聲百二山河功自棄八千弟子勢都傾
月明閒却烏江渡長使英雄恨不平

揚州別烏克章僉憲

紅日東生綠霧收，海風吹客到揚州。
露分仙掌金盤冷，香動瓊花玉樹秋。
使者乘驄開大府，仙人騎鶴醉高樓。
朝來別我垂楊岸，珂佩如雲簇水頭。

峨嵋亭

霧作衣裳雲作屏，玻璃萬頃著娉婷。
望夫石上偏多雨，織女河邊欲墮星。
蟬夏涼收淺絳蟾，蜍秋冷抹長青。
可憐天際微顰處，六代興亡一夢醒。

題丁元善鍊師陽明樓

賀老家西百尺樓，好山多處稱仙遊。
丹光散作霞千縷，劍氣吹成月一鉤。
窗外鶴歸遼海莫，袖中龍起鑑湖秋。
道人久直黃金殿，可使歸來雪滿頭。

劉山驛

開窗坐看千峰頂，對酒還思萬里程。
飛雨遠隨松子落，溼雲近向樹頭生。
正愁絕，壁烏鳶背忽聽半空雞犬聲。
安得身騎遼海鶴，徧遊八極醉吹笙。

贈漳南巡檢許以衷

將軍早獻安邊策，手挽強弓起七閩。
正為功名輕萬里，已知勇略冠千人。
風鳴鼓角山村曉，日射旌旗海戍春。
匹馬何時渡江水，笑談為國掃妖氛。

建德城西寺

山門東轉步廊深，長日禪房占綠陰。
松徑雨晴添虎跡，竹潭風冷聽龍吟。
上林久說相如賦，故里徒誇季子金。
獨坐胡牀看明月，不知涼露溼衣襟。

贈天台李鍊師

翠蛟青鳳下晴空
家住天台第幾重
歲久松肪成琥珀
夜深丹氣出芙蓉
仙童奏簡騎文虎
太乙懸旗起絳龍
昨夜從師到天上
故山還著白雲封

泉州驛別太守僕世玉

老夫欲起猶便睡
候吏頻催却治行
萬里煙雲隨驥足
五更風雨雜鷄聲
乾坤笑我應無補
江海逢君倍有情
且解金魚沽別酒
洛陽橋下正潮平

風涇舟中

白髮飄蕭寄短篷
春深杯酒憶曾同
落花洲渚鷗迎雨
芳草池塘燕避風
烽火此時連海上
音書何日到山中
故人別後遙相望
夜夜空隨斗柄東

吳景文居庭牡丹盛開飲後有感

韶光天遣屬君家
猶是東京第一花
金鼎夜寒團絳雪
錦機春暖簇紅霞
倚風忽作纏頭舞
避日還將便面遮
薄莫闌干同醉倚
却憐孤客鬢先華

送有亨姪還錢唐

嗣宗諸姪仲容賢客路飄零雪滿顛曾為頌椒畱子美
却思戲蠟愛僧虔十年江海三杯酒百里溪山一釣船
何日兵戈得休息敬亭春雨共歸田

次韻李清叔元夕

絳燭燒煙散滿城九衢車馬似潮聲山河影轉琉璃薄
陸海光浮菡萏平蝶睡誤翻歌扇暖鵲驚疑報畫檐晴
夜闌人靜天如水依舊殘星數點明

蘇子瞻畫像

老龍起深夜來聽洞簫聲酒盡客亦醉滿江空月明

龍虎山十詠

錄四

金鷄山

巨靈劈山石飛出黃金鷄至今山下人猶聽雲中啼

象山

載寶出西域獻琛自南溟仙人一叱之化作青陵嶒

龍井

寶劍落深潭時時見光怪鱗甲飛上天白晝風雨快

雲臺山

天星二十八下作漢廷將功成歸帝傍精彩射石上

明仁殿進講五首

春日君王出殿遲千官簾外立多時觚稜雪轉寒無奈
先許儒臣到講帷

黃綾寫本奏經筵正是虞書第二篇聖主從容聽講罷
許教畱在御牀邊

殿前冠佩儼成行
玉椀金瓶進早湯
自愧平生飯藜藿
朝來得食太官羊

黃金為帶玉為檐
劒戟如林衛紫髯
也愛儒臣勤講讀
向前輕揭虎皮簾

奏對歸來日已西
獨騎瘦馬踏春泥
行從海子橋邊過
猶望宮城柳色齊

送人歸廬州

淮水春深綠似苔
故人天上恰歸來
扁舟繫在門前樹

猶記行時手自栽

題淵明小像

烏帽青鞋白鹿裘
山中甲子自春秋
呼童檢點門前柳
莫放飛花過石頭

和馬伯庸學士擬古宮詞七首

城上鴉啼曙色催
五門三殿一時開
玉皇不許羣仙見
隱隱車聲天上來

綠池香水出芙蓉
十二釵寒妬玉蟲
只恐禁園今夜雨

華清明日又西風

寶扇微開萬樂從
紫衣扶輦出行宮
近臣侍罷櫻桃宴
更遣黃門送兩籠

紫雲扶日上盤盤
花氣薰衣露始乾
行處不禁春色惱
回身却倚玉闌干

睡思厭厭易入春
繡簾低下燕歸遲
黛鬟不整釵梁暉
滿院楊花夢覺時

殿頭昨夜報春殘
盡放宮人賞牡丹
獨有沈香亭北畔

一枝偏許八姨看

雲影微開日脚垂
杏花深院落遊絲
不知誰動秋千索
驚起黃鸝過別枝

和胡士恭灤陽納鉢即事韻五首

紫駝峯挂葡萄酒
白馬鬣縣芍藥花
繡帽宮人傳旨出
黃門伴送內臣家

野濶天垂風露多
白翎飛處草如波
髯奴醉起傾渾脫
馬潼香甜奈樂何

蕎麥花深野韭肥
烏桓城下客行稀
健兒掘地得黃鼠
日莫騎羊齊唱歸

新教生駒不受騎
小紅車裏簇歸時
鉤簾醉卧氍毹月
不省人間有別離

野館吹鐙夜未央
薄寒偏透越羅裳
出門不記人行路
馬首惟占北斗光

至正十一年秋七月巡按松州虎賁分司時山
谷寒甚公事絕少明日即還為賦此

秋風撼撼衣綿薄夜雨蕭蕭燭焰低萬里江南才夢覺
此身元自客遼西

雲葉繽紛雪弄花小營近午却排衙分司御史渾無事
又鞚青驄踏白沙

詠塵

春城花露欲生泥十二街頭漫漫飛落絮遊絲共無賴
半粘香汗半羅衣

發通州

日日思歸未有期及歸翻恨數年遲
開船聽得吳歌起
絕似閬門送別時

送王元伯遊金陵并簡樊時中都事王德常管
勾

閉門十日九風雨熟睡不知春
水生樹上啼烏忽驚覺
故人只在石頭城

題畫

樓閣參差煙水村涼風櫺葉下紛紛
何人理釣秋江上

驚起新來白鴈羣

灤河曲二首

推髻使來交趾國
橐駝車宿李陵臺
遙聞徹夜鈴聲過
知進六宮瓜果迴

白沙岡頭齊下馬
為拾關支八寶鞭
忽見草間長十八
衆人分插帽檐前

水仙二首

太液池邊雪始乾
曉粧初試佩珊珊
簾鉤欲下東風細

猶夢珠宮扇影寒

十二瑤臺風露寒
銀河澹澹月團團
龍宮自與塵凡隔
別有銖衣白玉冠

重過丹陽寄錢成夫

青山西去水東流
兩岸飛花送客舟
何事閭門行一月
不能三日到宣州

姑蘇臺

當時何事太情多
不悟危機出薜蘿
一夜月明天似水

吳王臺上越王歌

予過吳中得畫一幅孤峯拔起有類鴈蕩仙都
者因題贈宋居仁

鴈蕩秋深玉柱寒老夫曾此駐征鞍開圖一見青山色
猶似當時馬上看

西湖竹枝詞二首

葛嶺東家是相門當年甲第入青雲樓船撐入裏湖去

可曾望見岳王墳

此詩依鐵崖竹枝倡和本錄入其本集所載稍不同云葛嶺西邊師相宅

潭潭府第欲連雲別買樓船
過湖去可曾看見岳王墳

芙蓉葉底雙鴛鴦飛來飛去在橫塘
人生多少不如意
水遠山長難見郎

贈錢唐琴士

畫船載酒西湖上一日笙歌幾萬錢
獨抱孤桐向何處
夜深彈月上青天

釣臺

并序

嚴陵釣臺詩古今作者甚多或高其隱或議其果

二者皆不為無見余故並存焉觀者應為一莞也
百戰關河血未乾漢家宗社要重安當時盡著羊裘去
誰向雲臺畫裏看

青山如馬復如龍滄海東來第幾重不是狂奴輕萬乘
世間誰不受牢籠

題楊德章監憲賀蘭山圖

太陰為峯雪為瀑萬里西來一方王使君坐對賀蘭圖
不數江南衆山綠

吳淞江上謾興二首

白月滿天江水平
銀河垂地寂無聲
披衣獨坐過夜半
撥刺跳魚時一鳴

露冷草根鳴蟋蟀
雨晴花影轉蛸蠖
一家四散知何在
獨對林間喜鵲巢

嘉靖間建安李尚書默書玩齋集後云予在宣州諸
生貢安國者為言其先世禮部公寓海寧時自名其
里為小桃源元命既革宋學士景濂嘗邀之公為置
酒飲夜分乃起就卧仰藥而斃按元史載公文章行
蹟甚備門人朱鑑作紀年錄但稱病篤豈史氏與其
賓客皆諱之邪紀年錄云至正十六年正月張士誠

陷平江公抱印隱居吳淞江上主釣臺山長吳景文
家易姓名端木氏號戾契子弼弼翁作幽懷賦以自
見二十二年卒於海寧寓舍祕書少監揭
泐墓誌所載亦然未可以傳聞為據也

上京大宴和樊時中侍御

一元開大統四海會時髦畿甸包幽薊天門啓應皋羣
黎皆屬望百辟盡勤勞蕃國來琛獻邊陲絕繹騷劒韜
龍尾匣弓屬虎皮橐列聖尊皇極元臣異節旄宗盟存
帶礪世胄出英豪歲駕嚴先蹕居人望左肅平沙班詐
馬別殿燕樓毛鳳簇珍珠帽龍盤錦繡袍扇分雲母薄

屏晃水晶高馬湏浮犀腕駝峯落寶刀暖茵攢芍藥涼
甕酌葡萄舞轉星河影歌騰陸海濤齊聲纔起和頓足
復分曹急管催瑤席繁絃壓紫槽明良真曠遇熙洽喜
重遭化類工成治聲同士赴鰲隆恩雖款洽醉舞敢呼
號拜命榮三錫論功恥二桃重華躋舜禹盛業繼夔皋
燕饗存寅畏遊畋戒逸遨乾坤春拍拍宇宙樂陶陶爭
獻公車頌光榮勝袞褒

輓馬伯庸中丞

世祖投戈日先公出守初邦人懷禮樂家學贍詩書一

舉登金榜頻年步玉除星移供奉燭風動使臣車忠諫

陳無逸雄文賦子虛羣公推雅量多士服清譽太史仍

兼制春官總傳儲槐雲衣纚纚華日佩舒舒長樂方調

膳中臺旋賜輿尊嚴深翠柏清潤照紅葉德業真無比

恩光孰可如休官唐殿李知止漢廷疏野曠秋呼鴈江

清晚釣魚石田霜後稻沙圃雨中蔬正爾安民望胡為

夢帝居大星離次舍白壁翳丘墟惟有新詩在千年起

歎歎

寄贈圓修鍾道人

以下拾遺

寶塔今成第幾曾
浮雲不隔石磴磴
誰知庾嶺傳衣後
元是當年有髮僧

偶成

司馬年來多病渴
小樓涼雨趁高眠
無端一樹櫻桃熟
勾引鶯聲到枕邊

海歌八首

黑面小郎棹三板載取官人來大船日正中時先轉舵
一時舉手拜神天

出得蛟門才是海虎蹲山下待平潮敲帆轉艙齊著力
不見前船正過焦

大星煌煌天欲明黃旗上寫總漕名願得順風三四日
蚤催春運到燕京

隻嶼山前放大洋霧氣昏昏海上黃聽得舵樓人笑道
半天紅日挂帆檣

四山合處一門開雪浪掀天不盡來船過此間都賀喜
明朝便可到南臺

千戶火長好家主事事辛苦不辭難明年載糧直沽去
便著綠袍歸作官

大工駕柁如駕馬數人左右拽長牽萬鈞氣力在我手
任渠雪浪來滔天

碇手在船功最多一人唱聲百人和何事淺深偏記得
慣曾海上看風波

寄顏經略羊酥

三山五月尚清寒
新滴羊酥凍玉拌
何物風流可相稱
兔豪花瀾水龍團

將干嶺

絕頂低南斗
重關壯北門
隴雲浮地白
谷水帶泥渾
宇宙神功大
山河帝業尊
小臣叨載筆
華髮感深恩

即事次李景儀治書韻

楊僕船歸百越平
捷書今喜出甌寧
秋高劒氣衝南斗

天近綸音動北溟萬里聲名雙鬢白百年文物一瓊青
珠璣忽向三山落誰復歌詩繼魯垞

題子固所藏鮮于墨蹟

一自昭陵藏墨本書名誰復更超羣忽傳河朔專行草
不讓吳興變隸分黃鵠夜深隨落月白鵝秋冷化孤雲
風流賴有張公子雪繭封題比右軍

遊玄沙馬上偶成

十里青山馬上看東風拂面尚微寒偶隨芳草來僧寺

却笑飛花點客鞍東野先生方載酒西都博士亦彈冠
莫憐白髮江湖遠且為諸公一盡歡

泉州道中

千山落日丹霞北萬里孤城白水南玉椀霜寒凝紫蔗
金丸露暖熟黃柑海商到岸纔封舶蕃國朝天亦賜驂
滿市珠璣醉歌舞幾人為爾竟沈酣

題仲穆山水

翡翠為崖金作坡白雲重疊護曾阿背琴童子松間坐

東帶仙人馬上過高閣半天開寶月飛流千尺瀉銀河
王孫已老丹青在轉覺風流意氣多

風雨送別張道亨僉憲

空山自寥閬況此連日雨清晨起開門隨意立東廡風
吹檄欖樹青子落當戶溼薪就齋厨蚤飯已及午飢來
美齏盤初非厭雕俎相知屬歲晚闕落還可數君去不
可留雲帆在南浦

題二馬圖

鐵喙駟連錢
驄何年墜影江
水中蒲梢西來
八尺龍天閑
十二為爾空五
花雲錦吹東風

送涇王府蒲司馬西還

重弓滿引鳴鏑
和翻身躍馬渡
長河日高射獵
王半醉軍中司
馬功最多白狼
西來獻天子腰
間玉龍鱗甲紫
寶書緘奏動宸
京黃封御酒貺
邊庭弦蒲汭鞠
幾千里芳草萋
萋春似水鳥聲
山色不勝情枚
生作賦才難比

和李治書遊玄沙寺

連山北起青龍從晴天直下雙蛟龍王刻肺腑煙重重
自是身毒飛來峯黃金布地貝闕崇萬年之枝千歲松
亦有野客如茅容寶劍出匣光芙蓉上方笙磬下方鐘
桃花流水春溶溶日高驄馬來相從星斗錯落錦繡曾
愧余江海萍梗蹤

題牧牛渡水圖

兒騎牛兒騎牛兩牛渡水當中流一牛帶犢臨沙洲沙
洲泥深沒牛足中流浪高拍牛腹長繩墜手衣裹身前

者起顧後俯伏牛背歌傾不自由誰云穩比萬斛舟待
兒出險走平地畫圖忽落東海頭東海頭飯牛之子曾
封侯

題顏輝山水

蒼龍渡海成疊嶂劣崩西來勢何壯盪摩日月噓雲煙
回薄風霆起波浪懸流晝夜相舂擬恍惚銀河落天上
橋橫霞嶺類天台谷隱龍湫疑鴈蕩若非華蓋及武夷
無乃仙都與秦望參差飛觀倚半空錯落長松高百丈

煙橫絕磴畏崎嶇路出平川喜夷曠野老朝耕屋角雲
漁翁晚釣籬根漲偶隨鶴舞抱瑤琴猶恐猿啼驚蕙帳
畫師盤礴精天機元氣淋漓歸意匠毫芒點染遠近間
只尺卷舒千萬狀三年老我東海隅立馬看山每惆悵
麻姑敬亭曾見招何日相從脫塵鞅

送顧仲莊之海北

釣龍臺下與君別萬里東南何日還星斗動搖天在水
海門空濶浪如山珊瑚寶樹來三島鸚鵡金籠出八蠻

卷四十一
簫鼓船回應北上鳳池春早珮珊珊

送劉彥明從經略使還

經略江南開幙府曾因三語辟劉郎
千金海上求騏驎
五色雲間識鳳凰
思入金莖秋滴露
行隨玉節晝飛霜
還朝定上平南策
應從夔龍到建章

送洪元成赴靜江治中

海上東風吹鬢毛
杏花開處雨蕭騷
薦書舊最司征考
宮錦新裁別駕袍
落日山城旌旆遠
拍天春水柁樓高

莫憐投老多辛苦萬里行囊有豹韜

題李則平憲副所藏息齋竹

滿川風雨長簣簴吹作參差三鳳凰
籜粉已翻鱗甲紫墨花還染羽毛蒼
春寒弱幹當軒潤日莫清陰入酒涼
便欲截筒鳴嶰谷却愁彈瑟望瀟湘

謾興

客懷寥落鬢鬢髭對鏡空慚雪一簪
蒲葉野塘方綠漲杏花春雨正紅酣
心隨斗柄長瞻北身逐飈車復指南

夢覺午窗人寂寂一雙巢燕自呢喃

翦燈聯句

并序

元夕同吳子彥劉子清侯敬文會飲水陽陳善甫
家用翦燈聯句云

夜暖拈香繭春寒落翦刀勞心連鬱結貢綺思出長綵

點綴輕蟬翼吳裝粘細鳳毛風花凝瑣碎貢雲葉護周

遭影爍金垂燼侯光融玉作膏舞裯圍落絮劉歌扇逐

飛桃帶轉銀幡小貢輪迴寶蓋高蜘蛛圍露網吳顧兔

墮秋毫鷺擲翻紅雪

侯

魚跳起碧濤春陽噓蛺蝶

劉

秋


冷蛻虬螭翠薄荷分鈿絲柔柳散條青童來絳節玉女
翳纖翹碎訝珠胎迸尖愁燕尾翺微茫縈錯落斜隙漏
葡萄飴釜空燒蠟棚山謾結鰲浮塵籠漠漠流水眩滔
滔纂綺難為密裁綃祗自勞嬋娟妬清夜蟬竦落晴皋
製異宮人綬榮懷學士綯未曾分寶炬先許照欄袍劇
賞尊頻倒窮搜筆屢操盍簪嘶騷裏奮袖舞豪曹酒促
華筵散詩慚白戰鏖時平無夜禁繁弱且歸弢

貢

元詩選初集卷四十

謹案第三十四頁前一行烏克章舊作幹克莊今
改





總校官候補中書臣吳紹潔

校對官編修臣馬啟泰

謄錄監生臣汪詞垣

105

欽定四庫全書薈要

集部

元詩選初集卷四十一

詳校官候選知縣臣吳甸華



欽定四庫全書薈要卷二萬四百一

集部

元詩選初集卷四十一 長洲 顧嗣立 編

納新金臺集



納新字易之本郭囉洛氏驛言馬也世居金山之
西元興西北諸部仕中朝者多散處內地故易之
稱南陽人隨其兄宦遊江浙卜居于鄞再至京師
以能文名尤長歌詩每一篇出士大夫輒傳誦之
時浙人韓與玉能書王子充善古文易之與二人

偕來人目為江南三絕久之歸浙東辟為東湖書院山長以薦授翰林編修官出參桑結錫哩軍事卒所著金臺集歐陽原功序之謂其清新俊逸而有溫潤縝栗之容宣城貢師泰稱其詞清潤纖華五言類謝朓柳惲江淹七言類張籍王建劉禹錫而樂府尤流麗可喜有謝康樂鮑明遠之遺風魏郡李好文曰易之西北方人而粹然獨有中和之氣不喜祿仕惟以詩文自娛其來京師特廣其聞

見以助其詩也其兄塔海仲良以進士起家而易
之晚乃得一官未竟其用虞文靖題其集云因君
懷郭隗千古意如何張承旨起巖云愛君談辨似
懸河最喜交情古意多長使馬周貧作客令人千
古媿常何其所期望者深矣

登崆峒山

緣蘿陟層巘曠望浮雲馳飄風西北來颭颭吹裳衣氣
候倏遷變中懷鬱歔歔路逢一道士高結冠巍巍恐是

廣成子載拜欲問之長歌入深林棄我忽若遺哀湍瀉
石磴日落松風悲靈一作雲蹤邈難及千載生遐思

賦環波亭送楊校勘歸豫章

季子

積水敞華構參差帶幽壑微風動輕蘋綠雲泛珠箔天
空夕陰斂川迴游鱗躍徘徊滄洲夢露下翠衾薄公子
屬鳴珮逍遙陟延閣微吟省樹移緩步庭花落放舟返
春渚言恣林泉樂揮觴靡可留悵望青山郭

三峰山歌

并序

鈞州陽翟縣南有山曰三峰昔我睿宗在邸嘗統
兵伐金與其三將完顏哈達伊刺布呼完顏錫勒
等鏖戰山下敗其軍三十萬而金亡矣今百餘年
樵牧往往于沙磧中得斷綃遺鏃印章之類至正
五年嘉平第二日子自邾城將上京師道出陽翟
夜宿中書郎郭君彥通私館感父老之言而作歌
曰

落日慘淡黃雲低懸崖古樹攢幽溪三峰山頭獨長嘯

立馬四顧風淒淒溝邊老翁行
偃僂勸我停驂為君語
山前今日耕種場誰識當年戰爭苦
金源昔在貞祐間
邊塵四起民凋殘燕京既失汴京破
區區恃此為河山
大元太子神且武萬里長驅若風雨
鏖兵大雪三將死
流血成河骨成堵朱鸞應瑞黃河清

金將亡新鄉河清鼓山鳳出應國朝

開基之兆

聖人啟運乾坤寧當時流離別鄉井
歸來白髮歌

承平曠野天寒霜簌簌夜靜愁聞山鬼哭
至今壑上牧
羊兒猶向草根尋斷鏃論功衛霍名
先收黃金鑄印身

封侯英雄半死鋒鏑下何人
酹酒澆荒丘

余北修國史睹三峰之役金師二十五萬來拒戰我師不敵軍于山之金溝其軍數重圍三峰而中夜大雪金人戈戟弓矢凍纏莫能施我師一鼓殲之自是金人膽落不復戰矣易之作歌詞豪健激昂而奕奕有思致殆與三峰長雄置之樂府饒歌間揚厲無前之盛績良無愧也晉寧張翥題

京城燕

京城燕子三月盡方至
甫立秋即去有感而作

三月京城寒悄悄燕子初來怯清曉
河隄柳弱冰未消

牆角杏花紅萼小
主家簾幕重重垂
銜芹却向

傍一作檐

間飛托巢未穩井桐

一作梧

墜翩翩又向天南歸君不見

舊時王謝多樓閣青瑣無塵卷珠箔海棠花外春雨晴
芙蓉葉上秋霜薄

題羅小川青山白雲圖為四明倪仲權賦

山上晴雲似白衣溪頭竹樹綠陰圍野橋日落行人倦
茅屋春深燕子飛漉酒屢招鄰舍飲放歌還趁釣船歸
客窗看畫空愁絕便欲移家入翠微

京城春日二首

三日諸郎僂直閒繞城騎馬借花看晚來金水河邊路

柳絮紛紛撲繡鞍

黃鶴樓東賣酒家
王孫清曉駐遊車
寶釵換得葡萄去
今日城東看杏花

送王季境還淮東幕

西京驕馬越羅衣
公子風流世絕稀
冠蓋一門誇萬石
江山千古憶玄暉
新茶夜試中泠水
美酒春分采石磯
幕府羣公多勝賞
一枝芍藥待君歸

益清堂 并序

閩海憲使哈喇和穆公歸休嵩山之下鑿池引流
列植卉木扁其燕處之堂曰愛蓮公沒堂池逮廢
其孫國子生張閭伯高謙恭好學思繼先志乃復
增葺而新之國子先生陳伯敷易其名曰益清伯
高謂余曰與君世寓南陽且支裔聯屬不可無作
因賦律詩十有四韻以復其命云

嵩嶽雲峰近高居水竹幽築堂依別墅
甃石帶芳溝翠荇含風弱紅蕖著雨柔
菱歌花外發蘭槩月中遊卷幔

紅雲亂開尊碧露浮使君曾弭節持斧照南州綠野池
臺晚平泉草樹秋吾宗多秀發公子獨清修屢接何蕃
武長懷賈誼憂拾螢供夜讀走馬散春愁朋友頻相過
琴觴每唱酬籍通青瑣貴文擅省闈優歸思勞清夢高
情憶故丘卜鄰端有約歲晚共綢繆

玄圃為上清周道士賦

玄圃雲深路渺茫神仙飛珮隔扶桑碧桃開盡春溪漲
白鶴歸來海月涼巖溜涓涓鳴石竇松花細細落琴牀

明年我亦山中去
賸采瑤芝滿藥囊

送王公子歸揚州

玉雪王公子
歸韉向竹西
水清淮白上
天濶海青低
瓊樹春前發
烏絲醉後題
何須問勲業
名與爾翁齊

題張萱美人織錦圖為慈谿蔡元起賦

織錦秦川窈窕娘
新翻花樣學宮坊
窻虛轉軸鶯聲滑
腕倦停梭粉汗香
雙鳳迴翔金縷細
五雲飛動綵絲長
明年夫壻封侯日
裁作宮袍遠寄將

春日次王元章韻

翠憶金車錦駱駝芙蓉繡褥載雙娥
雨晴輦路塵沙少
風起春城柳絮多秉燭且留清夜飲
倚闌猶聽隔牆歌
山翁此日心如夢斷江南雨一蓑

桃花山水圖為桃源屠啟明題

天台山下雲無數山南山北多桃樹
石洞春寒風雨深
落花半逐溪流去人間從此識仙家
短擢尋源到水涯
翠袖乘鸞下明月玉盤留客進胡麻
我昔捫蘿探幽谷

青精煮飯松邊宿至今瞳子有神光細字猶能夜深讀
高人築屋石溪東溪山却與天台同粉黛含情託幽趣
碧桃流水春溶溶六月黃塵汗如洗獨騎瘦馬京城裏
忽見新圖雙眼明拏舟欲泛滄浪水我家只在蒼崖顛
白雲繞屋清溪連他日君能遠相覓看花酌酒春風前

送道士袁九霄歸金坡道院

朔風吹黃沙客子夢千里青山久不歸白日去如水昨
朝灤水上仙人偶來過自言遠紛瑤結廬在金坡玉峽

樓層雲翠閣縈危棧鐘聲繞碧壇桃花出深澗雙童掃
白石展布彈瑤琴青松挂落月海色浮空林竟謝區中
緣騎龍忽歸去祇恐人民非那愁歲年莫君還鍊石髓
九轉成玄霜他時肯分贈碧落同翱翔

送葛子熙之湖廣校官二首

高槐疎雨作新涼猶記讎書白玉堂銀燭夜分供細字
宮壺曉賜出明光盤堆苜蓿青羶冷衣染檀花束帶長
宣室若蒙天子問定知賈誼在沅湘

南山木落氣蕭蕭千里歸心折大刀雙櫓鶯鳴秋水闊

三闕虎踞朔雲高客窓久念衣裘一作衾薄史館頻頻筆

札勞有約相逢明月夜扁舟載酒楚江皋

送太尉掾潘奉先之和林

御河冰消春欲暮官船繫著河邊樹河邊日日送行人
撾鼓開帆盡南去潘郎作掾獨未還腰弓却度居庸關
馬上長歌一回首關南樹色青雲間七月金山已飛雪
牛羊散漫行人絕夜深陡覺羶帳寒酒醒只聞笳鼓咽

丈夫莫恨不封侯，食肉須當萬里遊。
腰間拂拭黃金印，他日相逢尚黑頭。

賦甘露門送李御史之西臺

惟中

雉觀銀河近，天清鼓角空。
女牆秋色外，仙掌月華中。
雙闕當闕樹，高城繞漢宮。
使君驄馬去，按轡立西風。

送阿勒坦布哈萬戶湖廣赴鎮

三品新除萬戶侯，紅旗照海出皇州。
腰間寶帶懸金虎，馬上春衫繡玉虬。
水落張帆遊夢澤，月明撾鼓過南樓。

書生最善從軍樂何日轅門借箸籌

雪霽晚歸偶成二首

公子腰弓下直歸紅門晚出馬如飛東街積雪無人掃
却恨春泥濺繡衣

東風悄悄著羅衫秉燭歸時酒半酣聽得隔簾人笑語
夜來春氣似江南

月湖竹枝詞四首題四明俞及之竹嶼卷

絲絲楊柳染鵝黃桃花亂開臨水傍隔岸誰家好樓閣

燕子一雙飛過牆

五月荷花紅滿湖團團荷葉綠雲扶女郎把釣水邊立
折得柳條穿白魚

水仙廟前秋水清芙蓉洲上新雨晴畫船撐著莫近岸
一夜唱歌看月明

梅花一樹大橋邊白髮老翁來繫船明朝捕魚愁雪落
半夜推篷起看天

送吳月舟之湖州教授

天涯作客少清歡
翦燭裁詩強自寬
江樹暮雲離思遠
杏花春雨客窗寒
烏程美酒臨池酌
罨畫青山拄笏看
博士從來官獨冷
團團朝日照空盤

賦鸚鵡送僕世南廉使之海南

朱崖擅珍鳥
鸚鵡獨專名
滿庭榕葉春
晝晴飛來却向
花間鳴
三月蠻江春水綠
日斜還傍江頭浴
弱羽翻風濕翠流
爪痕蹴浪珊瑚束
間關更作斷腸聲
水流花落難為情
烏臺使君午夢醒
隔簾細雨春冥冥

江東魏元德進所製齊峰墨于上都慈仁殿賜文

錦

一作
繡

馬湏以寵之既南歸作詩以贈云

錦襲玄圭瑩龍香秘閣浮清毫春黛濕拂楮翠雲流繡
綺領宮掖瓊漿出殿頭小臣沾雨露千載荷恩休

送楊復吉之遼陽學正

八月松亭萬木空著鞭又向黑河東穹廬宿頓供羊腍
部落晨炊爨馬通行看築臺招郭隗豈教執戟老揚雄
門生衣袂多狐貉來聽談經絳帳中

徐伯敬哀詩

并序

伯敬姓徐氏諱仁則世為明之奉化大族早孤奉
母鞠弟至行有聞於時家貧益自勵嗜字學有能
名王公碩儒皆慕重之君與余同生年月日先于
余為莫逆者幾二十年歲庚辰君年三十有二得
疾卧於家余歸自京師聞之馳往省焉君伏枕已
逾月既莫而別君曰明日不復握手越宿訃至君
果死矣嗚呼君之孝弟溫慎益自治問學天假以

年惡知其不少槩見哉而卒以死如余之愚而求知之深又惡得不深悲耶余再至京師徵銘于太史危先生以志其行實於是復作詩以哀之詩曰蕭蕭城南路白楊蔽江麓下有長夜臺陽景無由燭笳鼓日夜悲往者不可復嗚呼徐徵君儀表冠梧竹十三父早喪子子影煢獨我時已識君青燈照書屋十五學篆籀鍾鼎飽撐腹鐫模布詞林論議動羣玉生計日蕭條名聲愈清淑母也老而病伯兮苦盲目君能謹溫清

膝下供水菽鬻衣聚詩書呼弟對牀讀疊疊藥石言朋
類素欽服嗟余苦參商不得時相屬昨從燕山歸君已
卧帷褥握手情既多翦韭薦醪醑出門不忍舍扶杖意
淒感凌晨計書來捐館已踰宿哀君多艱虞胡忍逝之
速日落旦復升月虧望還足君往不復返使我淚盈掬
既無中饋嬪又乏南山粟何人為脫驂慰此倚門哭雲
浮白日陰慘慘風號木九原多黃壤宿草長新綠平生
布衣情裏難酌寒淥

送朱景明從王庶使之山東

繡衣玉節鎮青沂
佳士聯鑣出帝畿
天祿最憐劉向苦
會稽深望買臣歸
御溝水落魴魚上
官柳春迴燕子飛
鈴閣日長文字簡
定將玉麈對君揮

秋日有懷徐仲裕二首

疊嶂青林雨氣昏
側身南望幾銷魂
何時得似邛東叟
日晏牽牛繫樹根

佛桑一樹隔

一作在

河西壓架葡萄日
影低記得長髯洪

處士醉眠木榻唱銅鞮

送劉將軍姑蘇之官

桃花駿馬綠羅襦
意氣如雲出帝都
暫解弓刀辭細柳
又懷印綬入姑蘇
當筵翠杓春醅蟻
列饌銀盤曉膾鱸
五月垂虹橋下路
畫船吹笛卧冰壺

新月行

江南小兒不識愁
新月指作白銀

一作玉

鈎家人見月更

歡喜卷簾喚我登高樓
三年留滯京華裏
滾滾黃塵馬

頭起一番見月一番愁歸心夜逐東流水在家不厭賤
與貧出門滿眼多故人誰念天涯遠遊客只有新月能
相親

宮詞八首次僕公遠正字韻

廣寒宮殿近瑤池千樹長楊綠影齊報道夜來新雨過
御溝春水已平隄

千官鵠立五雲間玉斧參差擁畫闌今日君王西內去
安排天仗趣儀鸞

水晶簾外日遲遲綺

一作殿

閣春深笑語稀繡幕無端風

卷起一雙燕子傍人飛

上苑含桃熟暮春金盤滿貯進楓宸醍醐漬透冰漿滑
分賜階前僦直人

瓊島峇堯內苑西闌斑綺石甃清漪御牀不許紅塵到
黃幔長教窳地垂

花影頻移玉砌平美人欹枕聽流鶯一春多病慵梳洗
怕說鑾輿幸上京

繡牀倦倚怯深春
窗外飛花落錦茵
抱得琵琶階下立
試彈一曲鬪清新

太液池頭新月生
瑤階最喜晚來晴
貴人忽被西宮召
騎得驊騮款款行

送李中父典簿高麗頒歷

候儀太史立金鑾
寶歷新成錦作槃
天子垂衣朝萬國
中郎仗節使三韓
鮫人夜織機聲近
龍女晨遊珮影寒
獨捧絲綸渡遙海
遠人逾覺聖恩寬

送劉碧溪之遼陽國王府文學

松亭嶺上雪霏霏五月行人尚袂衣日暮草根黃鼠出
雨晴沙際白翎飛名王禮幣來青海弟子絃歌近絳幃
太乙終憐劉向苦高車駟馬遲君歸

三月十日得小兒安童書

辭家海上忽三年念汝令人思惘然萬里書來春欲暮
一庭花落夜無眠賈生空抱憂時策季子難求負郭田
但得南歸茅屋底儘將書冊教燈前

題舜江樓為葉敬常州判賦

峒峽宮閣帶城皋雲霧軒窗擁六鰲隔岸雨來山氣合
五更風起角聲高春江把釣漁歌近秋日開筵客思豪
獨憑闌干望滄海百年難忘使君勞

葉君常于餘姚築石隄四十餘里以

障海潮

送胥有儀南歸

立馬望華蓋君家碧嶂東樹圍茅屋外花落雨聲中卷
幔香雲入開編燭燼紅林梢新月上留客醉絲桐

次段吉甫助教春日懷江南韻

花底開尊待月圓
羅衫半浥酒痕鮮
一年湖上春如夢
二月江南水似天
修禊每懷王逸少
聽歌却憶李龜年
卜鄰擬住吳山下
楊柳橋邊樣畫船

聞僊尚書除浙省參政因寄樂仲本

一春多病思紛紛
隔屋幽禽夢裏聞
夜雨來時愁作客
落花多處正思君
尚書曳履登黃閣
處士彈冠卧白雲
賓主東南高會日
西湖風月定平分

秋夜有懷姪元童

八月絲

一作練

衣已怯涼伶俜絕似沈東陽薄帷風動流

螢入斷甃霜零

一作寒

促織忙病裏思家憐稚子燈前聽

雨憶江鄉墓田丙舍知何所一夜令人白髮長

送道士張宗嶽奉賀正旦表朝京竣事還龍虎

山

大明初啟日蒼涼天子垂衣御萬方花織錦茵雙鳳翥
雲浮玉座九龍翔珠懸殿幄晨光動燈轉紗籠刻漏長

大明殿幄懸大寶珠于上
中設郭太史所製燈漏

銀漢星槎來萬里綠章雲篆

一作管

賀三陽烏趨青瑣烟霏繞酒出黃封雨露香芝草

繡衣金纂纂芙蓉紉佩玉瑯瑯重瞳屢顧真希幸寵渥

頻承特異常辭陞更瞻天日表賜環應在水雲鄉留侯

印綬將歸璧

時議復天師印綬

使者旌麾已趣裝河朔游塵隨

騎氣江南清夢入詩囊仙源路近桃花發鬼谷山深榭

葉芳後夜相思京洛士黃精還許寄來嘗

京城雜言六首

神京極高峻風露恒泠然
憧憧十二門車馬如雲烟
紫霞擁宮闕王氣浮山川
峩峩龍虎臺日月開中天
聖祖肇洪業永保萬億年

世皇事開拓攬策羣霧清
完顏據中原一鼓削蔡城
趙氏守南壤再鼓宗祚傾
車書既混一田野安農耕
嚮非聖人出何能遂吾生

丘公神仙流學道青海東
維時儒教師矯矯真天龍
乾坤始開廓魚水欣相從
扣馬諫不殺嘉辭動天容
保此

一言善元祚垂無窮

世祖常因金儒元好問之請為儒教大宗師復納全真丘處機之一

言國家始終

好生不殺

居庸土高厚民物何雄強老稚閑弓獵不復知耕桑射
鵬陰山北飲馬長城旁駝羊足甘旨貂鼠充衣裳酒酣
拔劍舞四顧天茫茫

高槐拱朱垣樓閣倚空起劍佩何陸離車馬若流水昔
有社稷臣艱難開荆枳歃血飲黑河剖券著青史國家
感勲勞報施及孫子

千金築高臺遠致天下士郭生去千載聞者尚興起我
亦慷慨人投筆棄田里平生十萬言抱之獻天子九關
虎豹嚴撫卷發長喟

送慈上人歸雪竇追輓浙東鄂勒哲依圖元帥

日本狂奴擾浙東將軍聞變氣如虹沙頭列陣烽烟黑
夜半鏖兵海水紅感栗按歌吹落月髑髏盛酒醉西風
何時盡伐南山竹細寫當年殺賊功

公常漆倭人
首為飲器

野狐嶺上雪紛紛馬鬣新封大將墳千古交情見今日

一時豪傑盡慙君攜瓶滿貯灤河水飛錫還穿雪竇雲
歸坐山窻須有約半龕燈火夜論文

公薨于四明上人
送公柩至野狐嶺

安葬

題中丞張文忠公希孟諫罷鐙山奏稿後

并序

至治間御史觀音保諫五華山事棄市公時為中
書參議翌日上諫鐙山疏大蒙嘉紀賜予甚厚云
纔聞御史僂中臺又見鐙山奏疏來自信茅焦無死罪
獨知蘇軾是英材九門爭看捐軀諫百辟驚傳拜賜回

千古救荒遺愛在祠門猶向曲江開

公因救荒陝西而
覺今賜廟于長安

新鄉媪

蓬頭赤脚新鄉媪青裙百結村中老日間炊黍餉夫耕
夜紡棉花到天曉棉花織布供軍錢倩人輾穀輸公田
縣裏公人要供給布衫剝去遭笞鞭兩兒不歸又三月
祇愁凍餓衣裳裂大兒運木起官府小兒擔土填河決
茅欄雨雪燈半昏豪家索債頻敲門囊中無錢甕無粟
眼前只有扶牀孫明朝領孫入城賣可憐索價旁人怪

骨肉分離豈足論且圖償却門前債數來三日當年
阿婆墳上無紙錢涼漿澆濕墳前草低頭痛哭聲連天
恨身不作三韓女車載金珠爭奪取銀鐙燒酒玉杯飲
絲竹高堂夜歌舞黃金絡臂珠滿頭翠雲繡出鴛鴦綢
醉呼閹奴解羅幔牀前熱火添香篝

右新鄉媼一首余同年塢海仲良宣慰君之仲氏納
新易之所作也其詞質而婉豐而不浮其旨蓋將
歸于諷諫云爾昔唐白居易為樂府百餘篇以規諷
時政流聞禁中即日擢為翰林學士易之他詩若西
曹郎潁川老翁等篇其闋于政治視居易可以無愧
而藻繪之工殆過之矣況今天子聖明求言之誥播

在天下當此之時易之之詩或經乙夜之覽則其眷
遇又豈下于居易哉故余三復之餘謹識其後以俟
南臺中執法濮陽蓋苗
耘夫書于京師寓舍

巢湖述懷寄四明張子益

憶昔移家東海上萬斛龍驤跨鯨浪三神宮闕渺何許
弱水茫茫空悵望前年去作燕山遊羸驂短褐風颭颭
昭王臺前月似水荆卿驛畔天如秋病骨苦寒情苦倦
南下瀆河疾如箭清晨雙櫓發呂梁黃昏已泊桃源縣
生來每歎蜀道難去年我亦登蒼山馮公嶺頭日不到

肩輿履雪梯屨顏僕夫緣崖如凍蟻下頰鐔山深澗底
人家半出松樹頂白雲却向山腰起今年四月江西歸
小姑正對彭郎磯三更掛帆海門過一川草樹浮晴暉
我生胡為自役役孟浪江湖竟何益清霜鏡底縈鬢絲
坐對篝燈空歎息愁來鬱鬱不可當結交賴有張家郎
臨風同歌紫芝曲掃石大醉黃金觴我家南陽天萬里
十年不歸似江水秋來忽作故鄉思裹劍囊衣渡揚子
玩鞭亭下江縈紆淮山楚樹青扶疎一帆西風出巢縣

眼明墮此清冰壺湖水漫漫接天杪天低更覺青山小

倦飛沙鳥戛漁艇倒影芙蓉涵碧藻涼波不動舟如飛

擢歌窅窅聲相隨江東雲樹轉頭失淮西山水尤清奇

故人江南不可見千里相思情眷戀門外梅花知未發

屋頭柿葉題應徧期君不來爭奈何青天落日搖滄波

明年歸來賀山下與君共讀巢湖歌

易之詩中所歷之
景子皆嘗過之所

未至者巢湖耳易之有此清雄俊拔之句予無
一語者人各有能有不能也太常博士危素書

梨花白頭翁圖為四明應成立題

澹月溶溶隔畫樓一枝香雪近簾鉤
山禽似怨春歸早
獨立花間自白頭

汝水

天兵與宗合攻蔡州城既破金右丞完顏仲德率將士六百人突圍遁至汝水回顧

城中烟焰漲天仲德下馬謂將士曰國已亡余居宗室且備位宰相義固當死諸公宜早降諸將大譟曰相公能死吾輩獨不能死耶六百人皆奮然赴汝水以死

騎馬涉秋水泠泠戰骨聲寒沙沈斷戟殺氣暗殘營
自欲全忠義誰能顧死生千年董狐筆端不愧田橫

羅稚川山水十韻為甬東應可立題

平生丘壑趣偶向畫中傳雨氣千峰外江流落日邊
蘼蕪青滿渚芳樹綠參天渺渺溪雲淨涓涓石溜懸崖巔
何處閣谷口小家烟漁唱來秋浦僧鐘落夜船瞥驚飛
鳥過疑有蟄龍眠竹邇能留客桃源竟得仙丹青誇絕
代賦咏藉名賢千古滄洲意含情憶稚川

潁州老翁歌

潁州老翁病且羸蕭蕭短髮秋霜垂手扶枯筇行復却
操瓢白食河之湄我哀其貧為顧問欲語哽咽吞聲悲

自言城東昔大戶腴田十頃桑陰圍闔門老稚三百指

衣食儘足常懸錐

一作熙熙

河南年來數亢旱赤地千里黃

塵飛麥禾槁死粟不熟長饒挂壁羣生衣黃堂太守足

宴寢鞭扑百姓窮膏脂聒天絲竹夜酣飲陽陽不問民

啼飢市中斗粟償十千飢人煮蕨供晨炊木皮剝盡草

根死妻子相對愁雙眉鵠形累累口生皸齧割餓莩無

完肌姦民乘隙作大盜腰弓跨馬紛驅馳嘯呼深林聚

兇惡狎弄劍槊搖旌旗去年三月入州治踞坐堂上如

熊羆長官邀迎吏再拜餽送牛酒羅堦墀城中豪家盡
剽掠況在村落人烟稀裂囊剖篋取金帛煮雞殺狗施
鞭笞今年災虐及陳潁疫毒四起民流離連邨比屋相
枕藉縱有藥石難扶治一家十口不三日藁束席卷埋
荒陂死生誰復顧骨肉性命喘息懸毫釐大孫十歲賣
五千小孫三歲投清漪至今平政橋下水髑髏白骨如
山崖繡衣使者肅風紀下車訪察民瘡痍綠章陳詞達
九陛徹樂減膳心憂危朝堂雜議會元老恤荒討賊勞

深機山東建節開大府便宜斬磔揚天威親軍四出賊
奔潰渠魁梟首乾坤夷拜官納粟循舊典戰士踴躍皆
歡怡淮南私廩久紅腐轉輸豈惜千金資遣官巡行勤
撫慰賑粟給幣蘇民疲獲存衰朽見今日病骨尚爾難
撐持嚮非聖人念赤子填委溝壑應無疑老翁仰天淚
如雨我亦感激愁歔歔安得四海康且阜五風十雨斯
應期長官廉平縣令好生民擊壤歌清時願言觀風采
詩者慎勿廢我潁州老翁哀苦辭

狀物寫景之工固詩家之極致而繫于風化補於政
治尤作者之至言易之此詩兼得之矣禮部侍郎汝
陰李黼子威書易之此詩格調則宗韓吏部性情
則同元道州世必有能知之者監察御史太僕危素
書至正四年河南北大飢明年又疫民之死者過
半朝廷嘗議鬻爵以賑之江淮富人應命者甚衆凡
得鈔十餘萬定粟稱是會夏小稔賑事遂已然民罹
大困田萊盡荒蒿蓬沒人狐兔之跡滿道時余為御
史行河之南請以富人所入錢粟貸民具牛種以耕
豐年則收其本不報覽易之之詩追憶往事為之惻
然八年三月翰林
待制武威余闕志

發大都

上京紀行

南陽有布衣杖策遊帝鄉憂時氣激烈撫事歌慨慷天

高多霜露歲晏單衣裳執手謝親友驅車出塞疆雲低
長城下木落古道旁憑高眺飛鴻離離盡南翔顧我遠
遊子沉思鬱中腸更涉桑乾河照影空彷徨

劉資祠

唐劉資幽州昌平人謫死柳州歷遼金
無能發潛德至本朝天歷間昌平驛官

官祺始奏建

劉諫議書院

入郭日已暝慘淡楓葉赤鞠躬荒祠下低徊想遺直劉
君素忠憤伏闕論邦國痛陳腹心禍竟罹考功斥餘子
盡騫騰鬱鬱負慚色鄉人仰高誼千載崇廟食悲歌風

蕭蕭感慨情惻惻出門無行人涼月照東壁

龍虎臺

大駕巡幸往返
皆駐蹕臺上

晨登龍虎臺停驂望居庸絕壑閔雲氣長林振悲風翠
華有時幸北狩甘泉宮千官候鳴蹕萬騎如飛龍帳殿
駐山麓羽葆羅雲中我行避馳道弗得窮幽蹤衣裳倏
涼冷積霧浮空濛前山風雨來驅鞭復怱怱

居庸關

關北五里今敕建永明寶相寺宮殿甚
壯麗有三塔跨于通衢車騎皆過其下

疊嶂緣青冥峭絕兩崖束盤盤龍虎踞岑巘互迴伏重

闕設天險王氣輿坤軸皇靈廣覆被四海同軌躅至今
豪俠人危眺屢驚縮崎嶇棧閣峻縈紆岡澗曲環村列
墟市鑿翠構廬屋溪春激巖溜山田雜稊菽絕頂得幽
勝人烟稍聯屬浮圖壓廣路臺殿出層麓白雲隱疎鐘
落日帶喬木豈須歎蜀道政可夸函谷居人遠念我叩
馬苦留宿恐辜殷勤情解鞍看山瀑

榆林

出關喜平曠前林樹扶疎微茫候烟火參差見廬美

人秋水。上娟娟。映芙蓉。卷隘車騎塞山寒。日將晡。行人
問旅舍。投鞭息馳驅。張燈秣駕馬。斷檣餘青芻。夜涼衾
裯薄。悵悵愁。前途雞鳴山。窻曙去矣。毋躊躇。

槍竿嶺

山腰長城遺跡尚存

飲馬長城下水寒。風蕭蕭。遊子在絕漠。仰望浮雲飄。前
登槍竿嶺。岡岑鬱嵒峽。崩崖斷車轍。層梯入雲霄。幽龕
構絕壁。微徑紆山腰。一作椒人行在木末。日落聞鳴蜩。履
險力疲薾。憑高思飄颻。何當脫羈鞅。歸種南山苗。

李老谷

谷中多
杜鵑

高秋遠行邁入谷雲氣暝稍稍微雨來漸怯衣裳冷縈
紆青崦窄杳窈烟林迴峰迴稍開豁夕陽散微影霜葉
落清澗寒花媚秋嶺途窮見土屋人烟雜墟井平生愛
山癖愒此愜幽靜月落聞子規懷歸心耿耿

赤城

金閭山在赤城西郊洞明真人修
鍊之所山中盛產青李來禽諸果

休駕赤城館憑軒望前山飛雨西北來亂灑石壁間風
寒樹撼撼水落沙斑斑牛羊盡歸柵微燈掩松關野老

頗留客及此農事閒
頃筐出山果濁酒聊慰顏
移尊對金閣靈宮鬱孱頑
安得吹簫人乘鸞月中還

龍門

元統間知樞密院事都哩特穆爾過峽中見二羊關山椒樹間頃刻大雨水溢姬妾

輜重皆為漂溺

崢嶸龍門峽曠古稱險絕
疏鑿非禹功開闢自天設
聯

岡疑路斷峭壁忽中裂
雲蒸雨氣暝石觸水聲咽
羸驂

涉溝澗執轡屢愁

一作隘

蹶憶昔兩羝羊忿鬪蛟龍穴暴

雨忽傾注淫潦怒奔決
人馬多漂流車軸盡摧折
我行

愁陰霾慘慘情不悅
日落樵唱來三歎腸內熱

獨石

國朝諸后太子陵皆在獨石北擅帽山

停驂眺青林獨石當廣路
峩峩龍君祠殿屋隱朝霧前
山過微雨暝色起高樹溪灣夕溜清
巖竇寒雲聚東園
有陵寢龍虎蔚盤據
行人下馬過斂衽夙驚悲涼風吹
華髮感激歲年莫悵望南天雲徘徊不能去

檐子窪

昔多盜賊今置巡檢司于山椒其山無林木皆蔓草

朝發牛羣頭夕憩檐子窪
高秋得清曠野蔓多幽花黃

雲翳日脚草色浮天涯山荒樹寂莫寒波落昏鴉頗喜
盜賊清塞田盡禾麻至今將軍壘日落聞清笳我生久
羈旅崎嶇涉風沙天寒道路遠曛黑投山家

李陵臺

落日關塞黑蒼茫路多岐荒烟淡漠色高臺獨巍巍鳴
呼李將軍力戰陷敵圍豈不念鄉國奮身或來歸漢家
少恩信竟使臣節虧所媿在一死永為來者悲千載撫
遺跡憑高起遐思褰裳覽八極茫茫白雲飛

次上都崇真宮呈同遊諸君子

雞鳴涉灤水慘淡望沙漠穹廬在中野草際大星落風

高班馬

一作馬驚

嘶露下貂裘薄晨霞發海嶠旭日照城郭

嗟我五色雲下覆丹鳳閣琳宮多良彥休駕得棲泊清
尊置美酒展席共歡酌彈琴發幽懷擊筑咏新作生時
屬承平幸此帝鄉樂願言崇令德相期保天爵

錫喇鄂爾多觀詐馬宴奉次貢泰甫授經先生

韻五首

詔下天門御墨題龍岡開宴百官齊路通禁籞聯文石
慢隔香塵鎮水犀象輦時從黃道出龍駒牽向赤墀嘶
繡衣珠帽佳公子千騎揚鑣過柳隄

珊瑚小帶佩豪曹壓轡鈴鐺雉尾高宮女侍筵歌芍藥
內官當殿出蒲萄柏梁競喜詩先捷羽獵爭傳賦最豪
一曲霓裳纔舞罷天香浮動翠雲袍

繡綺新裁雲母帳玉鈎齊上水晶簾鳳笙屢聽伶官奏
馬湏頻煩太僕添風動香烟飄合殿日扶花影上雕檐

金盤禁臠纔供膳階下傳呼索井鹽

上林宮闕淨朝暉宿雨清塵暑氣微玉斧照廊紅日近
霓旌夾仗彩霞飛錦翎山雉攢遊騎金翅雲鵬織賜衣
宴罷天階呼秉燭千官爭送翠華歸

灤河涼似九龍池清暑年年六月時孔雀御屏金纂纂
梭櫚別殿日熙熙青藜獨喜頒劉向黃閣重開拜子儀
千載風雲新際會願將金石播聲詩

時太傅脫
公再入相

雨夜同天台道士鄭蒙泉話舊并懷劉子彝

蒙泉

時奉祠上京崇真宮子奠常于四明
東湖築天壇道院以待蒙泉東歸

履雪台州老鄭虔相逢灤水話當年
草堂聽雨秋將半
石鼎聯詩夜不眠
遙憶東湖來夢裏
起看北斗落窻前
劉郎獨愛長生訣
日日天壇望鶴還

行路難

至正己丑夏右相多爾濟公拜國王就國遼東是日左相賀公亦左遷因感而

作

行路難難行路黃榆蕭蕭白楊莫槍竿
嶺上積雪高龍門峽裏秋濤怒
嗟我虎豹當大關蒼崖壁立登天難
千

車朝從赤日發萬馬夜向西風還鑑湖酒船苦不蚤遼
東白鶴歸華表夜雨空階碧草深落花滿院行人少世
情翻覆如秋雲誓天歃血徒紛紛洛陽爭迎蘇季子淮
陰誰識韓將軍行路難難行路白頭總被功名誤高樓
昨夜歌舞人丹旌曉出東門去子午谷終南山青松草
屋相對閒拂衣高歌上絕頂請看人間行路難

塞上曲五首

秋高沙磧地椒稀貂帽狐裘晚出圍射得白狼懸馬上

吹笳夜半月中歸

雜沓羶車百輛多
五更衝雪渡灤河
當轅老嫗行程慣
倚岸猷冰飲橐駝

雙鬟小女玉娟娟
自卷羶簾出帳前
忽見一枝長十八

折來簪在帽簷邊

長十八
草花名

馬乳新桐玉滿餅
沙羊黃鼠割來腥
蹋歌盡醉營盤晚
鞭鼓聲中按海青

烏桓城下雨初晴
紫菊金蓮漫地生
最愛多情白翎雀

一雙飛近馬邊鳴

歸途至金閤山懷虞侍講

羸驂八月過雲州
殿閣嵯峨壘嶂稠
空谷無人黃葉落
白雲如雪滿溪流
獨登金閤尋仙跡
還憶青城覓舊遊
日落長歌下山去
西風十里異香浮

虞公過山下常聞異香十餘里

還京道中

客遊倦縑塵夢寐想山水
停驂眺遠岑悠然心自喜
晨霞發暝林夕溜洄清沚
出峽涼風馳入谷塞雲起
霜清

卉木疎日落峰巒紫迢遞越關河參差望宮雉家童指
歸路居人念遊子各嗟行路難深乖攝生理終期返南
山高揖謝城市

海上幽人錦繡腸獨臨灤水惜年芳千金不賣長門
賦閒寫新詩寄玉堂臨川危素敬題憶陪仙仗度
闕時玉帳星聯紫翠圓今日讀君天上
曲依然環珮月中歸括蒼胡深敬題

贈張直言南歸

天子開明堂股肱任夔卨四方多章奏俯伏陳陞闕臣
聞黃河流洶洶怒衝鬪鉅野及青徐千金盡魚鼈載憂

山東盜馮陵據巢穴腰弓入城市白晝肆攘奪嶺南失

控御猖獗恣猖獗運饗山溪阻野戰瘴雲熱繫熨寇雲

南兵禍久聯結誰憐酈生辯竟墮韓侯譎

參政舒魯存
道事與酈食

其邊將多貪殘馳羊盡膏血南兵久孱懦海上縱狂孽

租庸弊吳楚鹺征困閩浙文牘日冗繁民力愈疲竭詔

下閭闔門求言補遺缺張君素忠憤意氣古豪傑裏糧

涉江淮徒步犯霜雪伏謁中書堂揚眉吐奇說愚策十

有六歷歷甚詳切倘蒙錄一二亦足解鉗掣鯁生匪狂

謬閣下幸裁決丞相屬春官分曹校優劣翩然不俟報
長揖與予別言歸南山廬白雲可怡悅長溪釣魴鱖春
山採薇蕨飯疏飲清泉終焉養高潔賤子託深誼持觴
候車轍既攄平生蘊尚復鑒前哲劉蕡竟下第賈誼空
嗚咽讀君囊中書捫君口中舌歌君白馬篇贈君蒼玉
玦相期爛柯山笑濯澄潭月

南城咏古十六首

并序

至正十一年八月既望太史宇文公太常危公偕

燕人梁處士九思臨川黃君殷士四明道士王虛
齋新進士朱夢炎與余凡七人聯轡出遊燕城覽
故宮之遺跡凡其城中塏廟樓觀臺榭園亭莫不
徘徊瞻眺拭其殘碑斷柱為之一讀指廢興而論
之余七人者以為人生出處聚散不可常也解后
一日之樂有足惜者豈獨感慨陳迹而已哉各賦
詩十有六首以紀其事庶來者有所徵焉河朔外

史納新序

黃金臺

大悲閣東南
愧臺坊內

落日燕城下高臺草樹秋千金何足惜一士固難求
滄海誰青眼空山盡白頭還憐易河水今古只東流

憫忠閣

唐太宗憫征遼
士卒陣亡而建

高閣秋天迴金仙寶珞齊青山排闥見紫氣隔城迷朱
拱浮雲濕琯檐落照低因懷百戰士惆悵立層梯

壽安殿

殿基今為酒
家壽安樓

夢斷朝元閣來尋賣酒樓野花迷輦路落葉滿宮溝風

雨青城莫河山紫塞愁老人頭雪白扶杖話幽州

聖安寺

寺有金世宗章宗二朝象

蘭若城幽處聯鑣八月來寶華幢蓋合袞冕畫圖開斷碣蒼苔暗空庭落葉堆飢鳶不避客攫食下生臺

大悲閣

閣榜虞世南書

閣道連天起丹青飾井幹如何千手眼只著一衣冠金榜交龍挾琬甍吻獸攢憑高天萬里白紵不勝寒

鐵牛廟

燕人重東作鎔鐵象牛形角斷苔花碧蹄穿土鋪腥遺
蹤傳野老古廟託山靈一酌壺中酒穰穰黍麥青

雲仙臺

金之望
月臺

臺殿青冥外團團海月涼隔簾聞鳳管秉燭奏

一作
按霓

裳銅雀晨霞眩金盤夕露瀼仙人不復返愁殺海生桑

長春宮

全真丘神仙處機之居太祖常召至
西域之雪山誦道屢勸上以不殺

羸駝蹋秋日

一作
水

迢遞謁琳宮松子花飄落溪流板閣

通樓臺非下土環珮憶高風草昧艱難日神仙第一功

竹林寺

金熙宗駙馬宮也
寺僧云一堦無影

城南天尺五祇樹給孤園
甲第王侯去精藍帝釋尊
老僧誇堦影稚子斲松根
何日天台路相從一問源

龍頭觀

龍頭懸一牙籤
刻曰建隆元年

仙館紅塵外龍頭得借看
開函雲氣濕近席雨聲寒
碧玉凝螺黛香涎逼麝檀
牙籤認題字猶是建隆刊

妝臺

李妃所築今在昭明觀後妃常與章宗
露坐上曰二人臺上坐妃應聲曰一月

日邊明

上大悅

廢苑鶯花盡荒臺燕麥生韶華如逝水粉黛憶傾城野
菊金鈿小秋潭石鏡清誰憐舊時月曾向日邊明

雙塢

安祿山史思明所
建在憫忠寺前

安史開元日千金構塢基世尊寧妄福天道自無私寶
鐸游絲罽銅輪碧蘚滋停驂指遺跡含憤立多時

西華潭

金之太
液池

秋水清無底涼風起綠波錦帆非昨夢玉樹憶清歌帝
子吹笙絕漁郎把釣多磯頭浣紗女猶恐是宮娥

白馬廟

祠宇當城角霜蹄刻畫真房星何日墜駿骨自能神曾
蹴陰山雪思清瀚海塵長疑化龍去騰蹋上雲津

萬壽寺

寺有許道
寧畫屏

皇唐開寶構歷劫抵金時絕妙青松障清涼白玉池長
廊秋簾響高閣夜鐘遲獨有乘閒客扶藜讀舊碑

玉虛宮

大道教以供薪水之勞為其張
本宮主張真人其貌甚清古

樓觀迴深巷松枝夾路低拾薪供早爨抱甕灌春畦經

向琅函讀詩從古鼎題白鬚張道士送客過桃溪

古鏡篇寄韓與玉

時與玉將南歸
故賦此留別

古鏡團團似秋水美人當窻正梳洗芙蓉涼月鬪嬋娟
默默自憐還自喜朝來開匣忽淒然一痕微雪映華鈿
却恨東風惜桃李年年開傍鏡臺邊粉絲拭鏡還清澈
佳人薄命空愁絕不如化石在山頭萬古千年照明月
病起書事呈兼善尚書

閣閣積雨浸城皋四望平疇白浪高太息人材無董賈

可憐經濟屬蕭曹山東壁馬祠河伯海上旌旗擁賊壕

燹理自知廊廟貴腐儒憂國謾心勞

尚書時奉白馬王
壁祭決河回復命

議平
海寇

孔林瑞槐歌

并序

先聖墓林古槐一章枝幹偃蹇膚理若鐫刻篆籀
龍鳳細如絲髮雖善畫者莫能狀其奇巧襲封衍
聖公愈加培植見者咸加敬愛因以紀瑞云

闕里陰陰槐樹古百尺長柯挾風雨密葉蟠空擁翠雲

深根貫石流瓊乳蒼皮皴蝕紋異常天成篆籀分毫芒
游絲縈錯科斗亂雲氣飛動龍鸞翔羸秦書焚士坑僂
幾歎遺經藏壁屋千年聖道復昭明喜見文章出嘉木
神明元胄嗣上公雨露滋沐深培封清陰如水石壇靜
彈琴樹底歌薰風

秋夜有懷明州張子淵

雲表銅盤挹露華高城涼冷咽清笳弓刀夜月三千騎
燈火秋風十萬家夢斷佳人彈錦瑟酒醒童子汲冰花

起看歸路銀河近願借張騫八月槎

題王虛齋所藏鎮南王墨竹

帝子乘鸞謁紫清滿天風露翠衣輕閒將十二參差玉
吹向雲間作鳳鳴

投贈趙祭酒二十韻

字子期宛丘人

三朝元老國蒼龜山立精神虎豹姿高步瓊林開宦轍
早登華省被恩私棟梁材器明堂用臺閣文章聖主知
輦下懇辭郎署久斗南爭望使星移諫垣屢賞朱雲節

宣室重陳賈誼辭錦綬還鄉迎駟馬繡衣行部去檐帷
談經祕閣重裊坐扈蹕甘泉載橐隨玉節引班朝謁早
金蓮擁騎夜歸遲尚書曳履登鸞閣給事含香近鳳池
冰檠操持心似鐵廟廊贊畫鬢成絲久聞陸贄頻憂國
盡許匡衡喜說詩百世斯文開絕學四門胄子得名師
絃歌濟濟承周禮冠佩蹌蹌舉漢儀掌故傳經編竹簡
諸生脫穎擅囊錐鄙人自致慚無術男子平生謾負奇
久望車塵空感激欲趨門屏愧馳驅王陽豈待彈冠慶

孺子還應下榻思輒效詩人陳賦頌敢從閭吏候旌麾
何蕃獨重陽司業嚴武深憐杜拾遺懷寶山林當一出
平津正在禮賢時

達魯將軍射虎行

并序

達魯將軍世為奈曼部主歸國朝拜隨穎萬戶平
金有功事載國史其出守信陽射虎之事尤偉曾
孫與權舉進士為祕書郎官與余雅善間言其事
因徵作歌

將軍部曲瀚海東三千鐵騎精且雄久知天命屬真主
奮身來建非常功世祖神謨涵宇宙坐使英雄皆入彀
十年轉戰淮蔡平帳下論功封太守信陽郭外山嗟我
長林大谷青松多白額於菟踞當道城邊日落無人過
將軍聞之毛髮豎拔劍誓天期殺虎彎弓走馬出東門
傾城來看誇豪武猛虎磨牙當路嗥目光睽睽斑尾搖
據鞍一叱雙皆裂鳥飛木落風蕭蕭金弮琱弓鐵絲箭
滿月弦開正當面鵬翎射沒錦毛摧厓石崩騰腥血濺

萬人歡笑

一作謹錄

聲震天剖開一箭

一作鏃

當心穿父老持

杯馬前拜祝公眉壽三千年將軍

一作丈夫

立功期不朽奇

事相傳在人口可憐李廣不封侯却喜將軍今有後承

平公子祕書郎文場百步曾穿楊咫尺風雲看豹變鳴

珂曳履登朝堂

虎既剖箭鏃正貫于心

京城春日二首

官牕冰消綠漫隄落花流水五門西黃鸝不管春深淺

飛入南城樹上啼

新樣雙鬟束御羅，曼騎驕馬粉牆過。
回頭笑指銀瓶內，官酒誰家索較多。

新隄謠

并序

近歲河決，白茅東北汜，濫千餘里。始建行都水監，
于鄆城以專治之。少監蒲從善築隄，建祠病民可
念。予聞而哀之，乃為作歌。

黃河決道時有清水先
流至，名曰漸水。曹濮之

人見此水皆遷
居高丘，預避。

老人家住黃河邊，黃茅縛屋三四椽。
有牛一具田一項，

藝麻種穀終殘年年來河流失故道墊溺村墟決城堡
人家墳墓無處尋千里放船行樹杪朝廷憂民恐為魚
詔蠲徭役除田租大臣雜議拜都水設官開府臨青徐
分監來時當十月河冰塞川天雨雪調夫十萬築新隄
手足血流肌肉裂監官號令如雷風天寒日短難為功
南村家家賣兒女要與河伯營祠宮陌上逢人相向哭
漸水漫漫及曹濮流離凍餓何足論只恐新隄要重築
昨朝移家上高丘水來不到丘上頭但願皇天念赤子

河清海晏三千秋

劉舍人桃花馬歌

青絲駿馬桃花色翠鞍玉轡黃金勒奚奴牽出不敢騎
道上行人爭愛惜往時曾遇李將軍汗流赤血氣如雲
朝刷黃河莫南粵沙場百戰成奇勲歸來無心伏槽櫪
頓轡長鳴思奮力東家白面繡衣郎千金買去遊南陌
昨朝校獵向城隅萬人爭說天下無夜歸不怕霸陵尉
玉鞭醉打蒼頭奴畫燭銀屏歡徹曙一朝金盡賓朋去

可憐驕馬屬誰家
斷韁猶繫階前樹
君不見西家款段
三十年青芻滿櫪
菽滿田老翁不識
城下路騎看射獵
南山還

贈沈元方歸吳興兼簡韓與玉

春城飛絮曉紛紛
金水河邊更送君
闕下馬卿憐作客
江南沈約最能文
天圍斷岸歸帆遠
水落黃河野樹分
寄謝平生韓處士
別來應是賦停雲

送林庭立歸四明兼簡張子端兄弟

徵君歸隱海東頭三月開帆江水流
坐看浮雲知世態長歌落日送離愁
平生不負楊臨賀此去端如馬少游
若見山中陶宰相白雲千里思悠悠

庭立客賀相府相左遷獨遠送之其

鄉多弘景故蹟

次韻趙祭酒城東宴集四首

子期

金河流水碧粼粼御柳烟銷曙色新
黃鳥只愁春去遠隔窗呼醒看花人

童子將車候辟雍先生載酒出城東
絲絲細雨春雲薄

却恨羅衫怯曉風

上東門外杏花開千樹紅雲繞石臺最怪奎章虞閣老
白頭騎馬看花來

十騎聯鑣入郭遲從教斜日過棠梨候門稚子牽衣笑

今日先生有好詩

國子監散學候日
影到堂後梨樹

贈謝尚禮歸盱江

畫船綠樹映滄波撾鼓開船發御河作惡情懷唯仗酒
落花時節況聞歌潮來別浦江聲急雲起南山雨氣多

落日都門一分袂相思千里奈君何

北邙山歌

白樂天賜第履道坊既葬北邙救命遊人至墳所者必酹酒至今墓前隙

地泥
潦

北邙山高雲嵯峨山前日日聞輓歌千金買穴望卿相
不道洛陽人葬多長安歸來錦衣客昨日城南起新宅
雕闌華礎滿前楹盡是當年墓邊石墓邊野老鬢如絲
自言曾見築墳時轉頭石馬卧荆棘白楊蕭瑟秋風悲
白日西流水東逝眼見君家葬三世舊時隧道盡為田

新墳苦作千年計寄語洛陽諸少年對酒莫惜黃金錢
縱有穹碑勒勲業文章誇靡誰能傳君不見履道坊中
白太傅留客高堂醉歌舞至今三月看花人載酒去澆
墳上土

讀金太祖武元皇帝平遼碑

在南城豐宜門外
金史臣韓昉撰字

文虛
中書

千丈豐碑勢倚空風雲猶憶下遼東百年功業秦皇帝
一代文章太史公石斷龍鱗秋雨後苔封鼇背夕陽中

行人立馬空惆悵
禾黍離離滿故宮

讀汪水雲詩集二首

并序

水雲汪元量字大有錢塘人以善琴受知宋主國
亡奉三宮留燕甚久世祖皇帝嘗命奏琴因賜為
黃冠師南歸時幼主瀛國公福王平原郡公趙與
芮駙馬右丞楊鎮故相吳堅留夢炎參政家鉉翁
文及翁提刑陳杰貴陽夢炎與宮人王昭儀清惠
以下廿有九人分韻賦詩以餞其行水雲之詩多

記其國亡時事與文丞相獄中倡和之作文丞相
又與馬丞相廷鸞章丞相鑑鄧禮部光薦謝國史
枋得劉太傅辰翁序其詩集劉公又為批點余間
聞危太史言曰水雲長身玉立修髯廣額而音若
洪鐘比歸數往來匡廬彭蠡之間若飄風行雲世
莫能測其去留之跡江右之人以為神仙多畫其
像以祠之像至今有存者其諸公所賦墨蹟嘗見
于臨川僧舍云及余至京師因徐君敏道得水雲

集讀而哀之偶成二律以識其後

三日錢塘海不波子嬰繫組納山河
兵臨魯國猶絃誦客過殷墟獨歎歌
鐵馬渡江功赫奕銅人辭漢淚滂沱

知章喜得黃冠服

賜一作

野水

一作服

閒雲一釣蓑

一曲絲桐奏未休蕭蕭笳鼓禁宮秋
湖山有意風雲變江水無情日夜流
供奉自歌南渡曲拾遺能賦北征愁
仙人一去無消息滄海桑田空白頭

七月十六夜海上看月二首

樓船留客宴良宵坐看冰輪出海潮却憶去年灤水上

夜深孤館雪蕭蕭

去年客上都
是日大雪

征人七月度榆關貂鼠裁衣尚怯寒不信江南今夜月
有人揮扇著冰紈

陵州

日落陵州路沿流古岸傍泊舟人自語聽雨夜偏長過
客愁聞盜荒村久絕糧何人肯憂國得似董賢良

董仲舒陵

州人

寶林八咏為別峰同禪師賦

飛來峰

千仞瑯琊石飛來鎮越州江波欲浮動還被白雲留

應天塢

獨上峰顛塢秋清曙色開憑闌望東北潮向海門來

大布衣

大布僧伽衲流傳六百年攜來香滿袖猶是御爐烟

鐵鉢盂

鐵鉢溪頭洗冰花六月寒山僧偶彈舌引得老龍蟠

羅漢泉

錫杖虛空落靈泉發地中忽看流菜葉始信石橋通

霽鰻井

甃石瀦山溜蜿蜒竹色青風來忽涼冷雨氣隔林腥

深竹堂

一笏清涼地森森萬玉齊月明時倚杖閒看鳳來棲

盤翠軒

石磴藤花落山窗嵐氣浮晚來高樹暝一榻似新秋

田家留客圖為四明劉師向先生賦

客來田家當六月主人相留樹邊歇呼兒牽馬飲清泉
廚裏新漿解君熱郎君出城幾日前城中米價今幾錢
昨夜南村三尺雨不知還到城濠邊勿厭儂家茆屋小
棘門新編土牆繞明朝蚤飯莫怱怱雞鳴送君出官道
送楊季子赴德慶知事

天祿揚雄久較書忽聞章綬綰銀魚一官遠赴諸侯幕

六轡先乘使者車
椰子剖漿霜落後
荔枝封蜜雨晴初
故人只守平生業
一硯相求不願餘

馬德良下第

三月都門鶯亂飛
東風客館思依依
樂生空受昭王聘
蘇子深慚李廌歸
白壁人間須待價
青藜天上更分輝
瓊林花發重來日
五色春雲照錦衣

羽林行

羽林將軍年十五
盤螭玉帶懸金虎
黃鷹白犬朝出遊

翠管銀箏夜歌舞珠衣繡帽花滿身鳴騶斧鉞驚路人
東園擊毬誇意氣西街走馬揚飛塵湖南昨夜羽書急
詔趣將軍遠迎敵寶刀鏽金甲寒上馬彷徨苦無力
美人牽衣哭向天將軍執別淚如泉安得天河洗兵甲
坐令瀚海無塵烟君不見關西老將多戰謀數竒白髮
不封侯據鞍矍鑠尚可用誰憐射虎南山頭

賣鹽婦

賣鹽婦百結青裙走風雨雨花灑鹽鹽作鹵背負空筐

淚如縷三日破鎗無粟煮老姑飢寒更愁苦道傍行人
因問之拭淚吞聲為君語妾身家本住山東夫家名在
兵籍中荷戈崎嶇戍吳越妾亦萬里來相從年來海上
風塵起樓船百萬秋濤裏良人賈勇身先死白骨誰知
填海水前年大兒征饒州饒州未復軍尚留去年小兒
攻高郵可憐血作淮河流中原封裝音信絕官倉不開
口糧缺空營木落烟火稀夜雨殘燈泣嗚咽東鄰西舍
夫不歸今年嫁作商人妻繡羅裁衣春日低落花飛絮

愁深閨妾心如水甘貧賤辛苦賣鹽終不怨得錢糶米
供老姑泉下無慚見夫面君不見繡衣使者浙河東采
詩正欲觀民風莫棄吾儂賣鹽婦歸朝先奏明光宮

仙居縣杜氏二真廟詩

并序

東陽杜氏二女子蚤喪父母鬻餅市中厨人挑之
二女子憤殺厨人走匿仙居之孟溪夜雨水漲皆
溺死其屍閣巨木上蒼藤纏束儼若棺槨時隋大
業間也唐令令狐某取其遺骨塑像建廟溪上宋

令古零陳襄禱雨屢應刻石祠下國朝至正壬寅
東陽陳君元祥以浙省員外督制茲邑水旱之禱
顯有奇徵明年君督漕入京請諸中書命太常議
封貞惠貞淑二真仙元祥因徵賦詩廟壁云

君不見瀟湘江上斑斑竹雨灑疎林淚痕綠又不見金
谿縣裏兩嬋娟身化白金金漸復至今九疑山下大江
西窈窕祠堂依古木仙居更有杜貞娥千古清風凜相
續貞娥鬻餅東陽市廚人相挑憤切齒捉刀夜斷賊奴

頭勇烈真同丈夫子脫身竄匿來孟溪木食澗飲幽巖
栖梵梵姊妹自相保天寒愁聽哀猿啼夜雨奔流溢山
趾月黑溪深黯無底嗚呼雙娥同溺死玉骨藤纏高樹
裏開元賢令銜餘哀築祠却傍蒼崖開悲風蕭蕭落山
葉精靈日莫猶歸來陳侯自是古零後來作仙居民父
母銜香赤脚禱龍湫秋日甘霖起枯朽去年飛章徹九
閭紫綾裁誥褒貞魂鸞車孔蓋蔽白日彷彿來謝朝家
恩男兒堂堂軀七尺忍詬含羞汙簡冊何如貞惠貞淑

兩真仙萬古千秋長廟食

使歸

白頭萬里喜來歸
小院深深過客稀
睡起無題開錦幃
春來多病怯羅衣
流鶯亂蹴殘紅溜
乳燕連穿散絮飛
莫道山房渾寂寞
卧聽小女學鳴機

題吳照磨墨梅

天台吳架閣京下憶尋梅
倚杖月中立思君江上來
夜深憐雪落香動覺春迴
獨坐溪邊石晴雲滿綠苔

予有山水圖留倪仲愷大師齋中久未得題品
一日危太樸應奉謂余曰昔人皆以酒解醒予
能作歌求詩亦此意也遂成古詩一章以趣之

野人築屋青山底綠篠娟娟蔭秋水天涯作客想江南
乞君題詩畫圖裏畫圖疊嶂雲鈎連汀花听草春依然
對此令人動歸興却思把釣清溪邊一束殘書挂牛角
大笑青天看日落窻下孤燈夜雨深人間萬事秋雲薄
明年我亦去山陰君歸泛雪須相尋草堂下榻看圖畫

與一作共君酌酒聽君吟

南城席上聞箏懷張子淵二首

春晴隨意出南城
尊酒花前得共傾
留客強陪今日醉
聽歌不似少年情

海上張家玉雪郎
錦箏銀甲醉高堂
別來萬里風波外
燈下聞箏忽斷腸

張員外光弼先生奉揚公之命
留香浦陀洛伽
山瑞相示現使節
今還輒成長律四章
少寓錢

忱錄二

江左長城有鐵星赤心憂國禱滄溟經翻海藏面猶濕
兵洗天河刃不腥屢出賜金分將帥終圖全壁奉朝廷
幕中司馬才無敵執筆磨崖早勒銘

北史楊津鎮定州
威望赫然軍中謠

曰不怕利槩堅城
但怕楊公鐵星

天上張公玉雪妍競傳官府有神仙功名早建平南策
詩句今隨過海船夜汲澄潭瓶貯月曉登磐石珮凌烟
知君喜得禎祥兆一目高懸古樹邊

宋史彌遠禱海上
見一目掛樹邊後


果拜
相

元詩選初集卷四十一

謹案第一頁前四行郭囉洛舊作葛邏祿納新舊
作迺賢今改後倣此 一頁後二行桑結錫哩
舊作桑哥失里今改 三頁前二行哈達舊作
合達伊刺布呼舊作移刺蒲兀今改 五頁後
一行哈喇和穆舊作合魯桓穆今改 九頁前
六行阿勒坦布哈舊作按攤不花今改 二十
八頁前三行都哩特穆爾舊作都刺帖木兒今
改 二十九頁後七行錫喇鄂爾多舊作失刺

金
五
E
人
二
翰耳朶今改 三十一頁前五行多爾濟舊作

朶耳只今改



總校官候補中書臣吳紹潔

校對官編修臣馬啟泰

謄錄監生臣夏清和